



High Protein Bakers Flour long **Flame** PROFESSIONAL

Bai yu mekim planti moa skon na kamapim moa moni

Mekim ol skon bilon maket wantaim flour ol trupla lain bilong bakeri save usim



O'Neill: Mi bai no inap risain

Bekim bilong O'Neill long petisen bilong ol Yunivesiti sumatin...

PRAIM Minista Peter O'Neill i tok em bai no inap bihainim toktok bilong ol yunivesiti sumatin na risain.

Dispela em i bekim Prais Minista O'Neill i givim long petisen bilong ol sumatin bilong Yunivesiti ov PNG (UPNG) na PNG Yunivesiti ov Teknoloji (Unitech).

Ol sumatin bilong tupela bikpela yunivesiti long kantri ya i bin raitim petisen i go long Prais Minista O'Neill i mas risain.

Long UPNG, ol sumatin i no bin go skul inap 4-pela wik olgeta na UPNG Kaunsil i saspensim semesta wan.

Long Tunde dispela wik, Mista O'Neill i bekim toktok bilong ol sumatin na i tok em bai no inap risain o step daun na lusim sia bilong praim minista.

"Mi amamas long ol sumatin bilong yumi long tupela bikpela yunivesiti na sanap strong long autim tingting na toktok long ol nesanel isu.

"Dispela i soim olsem pasin demokresi i strong tumas long kantri bilong yumi taim ol sumatin i bihainim Mama Lo long kirapim pisful protes na toktok long ol bikpela samting long gutpela bilong kantri bilong yumi.

"Opis bilong mi i kisim pinis petisen bilong ol sumatin. Mi kisim pinis ol edvais toktok bilong ol gavman ejensi na bihain long en, mi amamas long bekim toktok i go bek gen long ol sumatin.

"Ol sumatin i mas save olsem ol pipel long taim bilong ileksen na ol memba bilong Palamen i makim mi kamap Prais Minista.

I go moa long pes 2...

Nupela Modilon Operesen Tieta

Katolik Sios Asbisop bilong Madang, Stephen Reichart i blesim nupela Modilon Operesen Tieta long taim bilong ol i opim long namba wan taim dispela wik long Tunde 24 Me. Wanpela Katolik haus sik long Melbourne, Australia wantaim helpim bilong Pater Juan Czuba, pastaim Presiden bilong Divine Word Yunivesiti long Madang, i bin bungim mani wantaim Madang Provinsal Helt Atoriti long kirapim dispela operesen tieta. *Moa stori long pes 10. foto: James G Kila.*



Yunivesiti Senet pasim Semesta 1 bilong UPNG - P3

Unlimited talk-time with friends

Get unlimited calls between bmobile-vodafone numbers for as little as K1 per day.

Dial ***777#** to subscribe.

www.bmobile.com.pg/unlimited



7600 3555 or 1555
connect@bmobile.com.pg



Gavman laik daunim rent mani

GAVMAN i wok long westim K250 milien long olgeta yia long rentim ol opis spes bilong gavman ejensi na dipatmen.

Sif Seketeri Isaac Lupari i tok gavman i ken sevim dispela mani sapos ol gavman diptamen na stetutori atoriti i yusim haus bilong gavman yet long kamapim opis bilong ol.

“Mipela i save yusim K250 milien olgeta yia long rentim opis bilong gavman dipatmen. Mipela i nau wok long stretim gen ol polisi long daunim rent bilong gavman opis na Dipatmen ov Pesenel Menesmen bai go pas long dispela,” Mista Lupari i tok.

Em i tok gavman i save yusim bikpela mani long rentim opis we i no gat gutpela

pawa saplai, no gat gutpela wara saplai na haus tu i olupela na i no gutpela long kamap opis bilong gavman dipatmen.

“Planti opis bilding gavman i rentim i no gat gutpela sefti stendet bilong stopim paia, wara saplai, na arapela samting tas ol rent mani ol papa bilong haus i sasim mipela em i bikpela mani tru.

“Sampela samting i rong long sampela hap. Mani ol i sasim gavman em i antap tumas. Tasol haus i no gutpela we em i ken inapim opis bilong gavman dipatmen,” Mista Lupari i tok.

Em i tok opis alokesen komiti i wok long lukluk go insait long stretim dispela asua.



Sif Seketeri Isaac Lupari

Mi no inap risain...

I kam long pes 1...

“Mi bai no inap risain na lusim sia bilong Praim Minista bikos ol pipel bilong PNG long taim bilong nesenele ileksen na ol Memba bilong Nesenele Palamen tasol i gat rait long rausim mi.

“No gat wanpela man i gat rait long rausim mi. Dispela tupela samting i mas rausim mi. Ol pipel i ken rausim mi long taim bilong ileksen neks yia na ol Memba bilong Palamen i ken rausim mi long flo bilong Palamen,” Mista O’Neill i tok.

Em i tok ol isu o ol samting we ol sumatin i toktok long dispela petisen bilong ol em, UBS dinau mani, Nesenele Baset, Paul Paraka Lawyers, Pawa Jenereta i kam long Israel, DSIP mani, Independen bilong ol gavman institusen, dinau mani bilong gavman, Defisit Baset, Kes Flo, na Foren Risev.

Mista O’Neill i bekim na tok, long sait bilong;

- K3bilien UBS dinau mani: Dispela i stap long han bilong kot na i no gutpela long em i toktok long dispela samting bikos em bai sabjudis na kontemp ov kot;
- Nesenele Baset: Prais bilong ol komoditi olsem krud oil i pundaun i kam daun long intenesenele maket na dispela i lukim nesenele baset tu i pundaun;
- Paul Paraka Lawyers: Dispela i stap long kot na i no gutpela long toktok moa long dispela;
- Pawa Jenereta i kam long Israel: Dispela tu i stap long kot yet;
- DSIP mani: Dispela mani i no konstitusenele mani we ol distrik na provins i save kisim tasol em i mani ol wan wan distrik i kisim aninit long gavman polisi;
- Independen bilong ol gavman institusen: Dispela gavman tasol i kamapim gutpela politikel stabiliti na bihainim lo long makim ol bos bilong gavman diptamen na gavman institusen;
- Dinau mani bilong gavman (Nesenele Debt): Pablik dinau mani mak em i K18 bilien. K3.9 bilien em i ekstenel debt, na intres reit bilong ol arapela dinau mani em i no antap tumas;
- Defisit Baset: Baset Defisit bilong 2015 em i 3.9 pesen bilong gros domestik prodak (GPD), na ino 9.9 pesen;
- Kes Flo: Taim mipela i kamapim dispela gavman long yia 2011, Waigani Pablik Akaun i bin stap jiro balens. K11 bilien i stap long ol tras akaun i bin lus;
- Foren Risev: Mi bai no inap toktok long dispela bikos Bank ov PNG i wok long stretim ol samting long foren risev.

Mista O’Neill i bekim dispela toktok bihain long em i lukim petisen bilong ol sumatin.



Opis bilong Insurens Komisina Dipatmen bilong Treseri

OPIS BILONG INSURENS KOMISINA (OIC) I HARIM SAMPELA TOKTOK OLSEM I GAT OL BISNIS KAMPANI NA OL WAN WAN MANMERE I NO WOK LONG BIHAINIM OL LO BILONG INSURENS LO 1995 (THE ACT) NA OL I WOK LONG KISIM INSURENS SEVIS AUSAIT LONG KANTRI WE I NO SAVE BIHAINIM TOKTOK ISTAP INSAIT LONG INSURENS LO.

OIC I LAIK TOKSAVE LONG OL DISPELA LAIN BILONG BRUKIM LO OLSEM SEKSEN 36 BILONG INSURENS OL 1995 (THE ACT) I TAMBU LONG PUTIM OL INSURENS NA RI-INSURENS WANTAIM OL LAIN HUSAT I NO GAT LAISENS OLSEM RI-INSURA (REINSURER), INSURA (INSURER), RI-INSURENS BROKA (BROKER) O RITIL INSURENS BROKA LONG WANPELA SAMTING (INSURABLE RISK) I STAP (DOMICILED) LONG PNG SAPOS OL I NO TOK ORAIT LONG INSURENS KOMISINA.

Seksen 36 i rit olsem:

(1) Olgeta samting (risks) i stap long Papua Niugini na bilong wanem kain insurens, wantaim ri-insurens, em i mas gat insurens wantaim wanpela laisens insura sapos em i no kisim tok orait long noken mekim olsem aninit long Seksen 37 bilong Insurens Lo 1995.

(2) Wanpela man o meri husat –

(a) insurim; o

(b) olsem ejen, broka o insura i stretim toktok bilong insurens

long wanpela ris (samting) i stap long Papua Niugini wantaim wanpela man o meri we i no gat lasens, sapos em i no gat tok orait aninit long Seksen 37, em i asua long brukim lo.

Mekim save: Baim kot wantaim mani mak i no antap long K50, 000 o mak bilong mani wankain olsem gros enuel premium long dispela ris we i stap ausait long Papua Niugini, sapos em i bikpela.”

Em i klia long ol toksave i stap antap olsem ol bikpela het tok bilong lejislesen em long:

- 1.) Lukautim na banisim samting bilong ol insurens konsiuma insait long kantri long ol wok bilong ol long insurens industri;
- 2.) Mekim wok bilong holim ol premium insait long lokal ikonomi; na
- 3.) Sapotim lokal insurens maket long gro wantaim wei bilong banisim ol laisens insura, ol insura na ol broka.

Bai i gat taim we ol insurens o ri-insurens kava we ol i laikim bai i no inap stap wantaim ol insura o ri-insura husat i gat laisens. Dispela bai kamap bikos insura na ri-insura husat i gat laisens i no gat fasiliti o save long wokim dispela. O ating kava we ol i laikim em i stap ausait long gaidlain bilong kraitiria bilong insura o ri-insura husat i gat laisens long wokim insurens bisinis. Sampos dispela samting i kamap, Insurens Komisina inap long givim tok orait aninit long seksen 37 bilong Insurens Lo long putim insurens kava long ausait long kantri sapos em i kisim wanpela aplikesen i kam long ol lain husat i lainim kava. Dispela em ol insura i gat laisens o ritel broka i gat laisens, o laisens reinsurens broka o laisens ri-insura. Ol dispela lain husat i putim aplikesen i mas givim ol peopa bilong soim evidens olsem olgeta laisens insura o ri-insura i lukim pinis tasol ol i no laik long givim wanem samtin ol lain i askim ol long mekim.

DISPELA TOKSAVE I NO BILONG OL BISNIS WE I WOK WANTAIM PNG LNG PROJEK. OL DISPELA BISNIS EM I GAT LUKSAVE BILONG OL YET PINIS OLSEM OL I GAT SPESEL TOK ORAIT BILONG PNG GAVMAN BILONG PNG LONG MEKIM WOK BILONG OL YET.

Tok orait bilong dispela toksave i kam long:

Salamo Elema

Ekting Insurens Komisina.

Lista bilong ol Laisens Insurens Kampani long yia 2016, em ol dispela i stap aninit:

A. Reinsurer

1. Pacific Re Limited

B. Insurer

1. AIG (PNG) Ltd
2. Tower Insurance (PNG) Ltd
3. QBE Insurance (PNG) Ltd
4. Pacific Assurance Group Ltd
5. Southern Cross Assurance Ltd
6. Moto Vehicle Insurance Ltd
7. Capital General Insurance Co. Ltd
8. Pacific MMI Insurance (PNG) Ltd
9. Century Insurance (PNG) Ltd
10. National Teachers Insurance Ltd
11. Inspac (PNG) Ltd
12. Croesus Ltd
13. Trans Pacific Assurance Ltd

C. Retail Brokers

1. Aon Risks Services (PNG) Limited
2. Marsh Ltd
3. Insurance Partners (PNG) Limited
4. Kanda International Brokers & Risk Consultants
5. Niugini Islands Insurance Brokers
6. Asian Pacific Insurance Brokers Limited
7. Sunrise Assurance Brokers Limited.

D. Reinsurance Brokers

1. Global Re Brokers Limited.

Ol dispela kampani i stap long lista antap i no bihainim wanpela kain oda bilong yusim. Em ol i stap tasol olsem.

Sapos yu laik kisim moa toksave long ol dispela kampani i stap antap plis toktok wantaim Mis. Florence Apini o Vagi Arua long Telepon Namba 3217966 o 3217830, Fax Namba 3217810 o email: fapini@oic.ogv.pg o varua@oic.gov.pg

Suprim Kot larim Polye kamap Kandep MP

PASTAIM Oposisen Lida Don Polye i amamas long Suprim Kot i larim em i stap yet olsem Memba bilong Kandep bihain long em i bin apil long desisen bilong Nesenel Kot i rausim em long sia bilong Kandep.

Suprim Kot Jas Jastis Terence Higgins i mekim dispela desisen long larim Mista Polye i kisim ples bilong em gen olsem Memba bilong Kandep taim ol i wetim Ilektral Komisnin long kaunim gen 3, 248 balot pepa i stap long 5-pela balot bokis bilong Kandep open.

Long 2012 Nesenel Ilektra, ol wokman bilong Ilektral Komisnin i bin tok 5-pela balot bokis bilong Lungutenges Namba 1, Kombros Namba 1, Kambia Namba 1, Maru na Imipiaka insait long Kandep Open ilektoret i bin gat sampela asua, na ol i les long kaunim ol balot pepa i stap insait long ol dispela 5-pela bokis.

Tasol Jastis Higgins i mekim disisen long larim Mista Polye i stap



Kandep MP Don Polye

yet olsem Memba bilong Kandep taim ol i wetim Ilektral Komisnin long kaunim gen ol balot pepa bilong dispela 5-pela bokis.

Nesenel Kot long Waigani long mun Mei 2 i bin tokim Don Polye long lusim sia bilong Kandep bikos

Ilektral Komisnin i no bin kaunim olgeta balot pepa.

Dispela i bin lukim Mista Polye i lusim sia bilong Kandep, lidasip bilong THE Pati na lidasip bilong Oposisen tu.

Loya bilong Mista Polye, Paulus Dowa, i tokim kot olsem Alfred Manase, man husat i givim salens long Mista Polye, i no givim wanpela evidens long kot long soim olsem Mista Polye i brukim lo na kamapim asua long win.

Loya bilong Ilektral Komisnin, Ray Williams, i tokim kot tu olsem Ilektral Komisnin i no bin kamapim wanpela paul pilai long 2012 nesenel ileksen long helpim Mista Polye i winim ileksen.

Jastis Higgins i no painimaut

wanpela asua, na tokim Mista Polye long kisim gen sia bilong Kandep Open taim ol i wetim Ilektral Komisnin long kaunim ol balot pepa i stap long faivpela bokis.

Mista Polye i tok: "Mi laik tok tenkyu long Suprim Kot i tokaut tude (Tunde) olsem mi no asua long wanpela samting. Yes, mi save tok oltaim olsem ol pipel long Kandep i bilip long mi kamap lida bilong ol.

"Ol wanlain bilong mi i wanbel long mi makim maus bilong ol. Ol wan lotu bilong mi i save gut long lidasip bilong mi na ol i wanbel long mi kamap lida bilong ol.

"Long yia 2009, kot i bin tokim mipela long go bek long bai ileksen, tasol mi bin winim gen dispela bai ileksen wantaim moa long 2000 vot.

"Nau tu kot i rausim mi long sia bilong Kandep Open tasol Suprim Kot i painimaut gen olsem no gat wanpela asua i stap.

"Klostu long 15 krismas mi stap

lida bilong ol pipel bilong Kandep. Ol pipel i wanbel long mi makim maus bilong ol, na mi laik tok tenkyu long ol i stap isi na wetim disisen bilong kot,"Mista Polye i tok.

Ol niusman i bin askim Mista Polye long tingting bilong em long Ilektral Komisnin.

"Mi gat bikpela bilip long wok bilong Ilektral Komisnin. Ol i save mekim gutpela wok long larim ol pipel i makim gutpela lida.

"Ol i no save gat planti mani long mekim wok. Sampela taim laip bilong ol wokman i save stap aninit long birua tasol ol i save mekim gutpela wok na mi amamas long dispela wok ol i save mekim.

"Insait long Kandep distrik, ol i save mekim gutpela wok. Mi laik tok tenkyu long ilektoral komisnin wokman i save mekim gutpela wok long Kandep distrik bilong mi long ileksen taim,"Mista Polye i tok.

Yunivesiti Senet pasim Semesta 1 bilong UPNG

BIHAIN long tripela wik long ol sumatin bilong Yunivesiti bilong Papua Niugini i holim stopim klas straik, Sansela bilong Yunivesiti bilong Papua Niugini (UPNG), Dokta Nicholas Mann i bin autim disisen bilong ol Yunivesiti Senet olsem ol i saspenim Semesta 1 bilong yunivesiti, long Tunde dispela wik.

Ol leksera na edministresen bilong yunivesiti i bin givim tok save long ol sumatin long ol i mas go bek long ol klas bilong ol long las wik yet tasol ol sumatin i no laik bikos ol i laikim Praim Minista Peter O'Neill i mas lusim sia bilong em na i go long ol polis long bekim sampela askim bilong ol long ol hevi bilong Paul Paraka loiya na tu long ol narapela bikpela toktok bilong kantri.

Ol sumatin lida husat i bin harim dispela toktok bilong saspenim Semesta 1 na ol i amamas tasol ol i tok bai ol i go long kot na salensim dispela disisen bilong ol fekalti.

Yunivesiti kaunsil i bin holim wanpela spesel miting long Tunde 24 Me long lukluk long ol toktok we ol i pasim long Akademik Senet Komiti miting long hevi bilong ol sumatin i wok long pasim ol klas yet.

Ol toktok bilong kaunsil i sut long nid bilong ol long givim sans long olgeta sumatin long bihainim ol demokretik rait na konstitusenel rait bilong ol long stap insait long

klas na lainim samting we em i namba wan as bilong ol long go insait long Yunivesiti bilong Papua Niugini.

Ol i go long yunivesiti long kisim pepa digri long wanem kain akademik program ol i kisim we bai statim rot bilong ol long wok long sosaiti.

Toktok bilong Yunivesiti Kaunsil i tok olsem ol i gat wari long ol dispela bikpela samting:

- Ol i laik mekim disisen long wok bilong ol olsem Yunivesiti long ol skul akademik program i mas no ken stop na i mas bihainim taim bilong en long kamap;
- Ol hevi bilong mani na wanem samting bai kamap we bai pasim rot bilong ol akademik program sapos ol i senisim 2016 Akademik Kalenda yia; na
- Ol i tingting long wanem kain we bai ol inap long kisim bek taim bilong akademik program, lukluk gen long ol program na bai olsem wanem long ol bai lonsim gen ol akademik program bilong Semesta 1, 2016 na Semesta 2 2016 na tu long ol i no ken daunim kwaliti bilong akademi.

Kaunsil i tingting tu long wanem wari na hevi bilong ol papamama na ol sponsa bi-

long ol sumatin husat i wari long ol pikinini bilong ol bai abrusim sans bilong ol long laip long kisim gutpela edukesen long kamap gutpela memba bilong bisnis komyuniti husat inap long helpim developmen bilong Papua Niugini.

Dispela wari i kamap ples klia long taim ol sumatin i bin givim petisen pepa bilong ol i go long Praim Minista we Gavana bilong NCD, Powes Parkopi bin kisim, na ol i ting em i taim bilong statim skul bilong ol long bihain taim.

Yunivesiti Kaunsil i wanbel na i singaut long ol sumatin i mas go bek long ol klas na olgeta sistem long kempas i mas go bek olsem bipo.

Ol sumatin i save klia long wanem samting bai kamap sapos ol i wok long straik na pasim ol klas yet na long ol taim ol i no kisim ol lekse, tutoriel, ol praktikal na asainmen long 2016 Semesta 1 na Semesta 2 akademik program.

Eking Sansela bilong Yunivesiti, Dokta Nicholas Mann i givim toktok bilong kaunsil long Forum Skwea bilong Yunivesiti bilong Papua Niugini.

Dokta Mann i bin tok olsem, Stat long Tunde 24 Me bihain long miting bilnog Kaunsil, semesta 1 em i pas, olgeta sumatin bai mas lusim yunivesiti kempas insait long

48 aua o tupela de bihain long disien bilong kaunsil i kamaut, olgeta wok bilong sapatim na lukautim ol sumatin olsem kaikai, sekyuriti, klinik, bai stap 48 aua bihain long disisen bilong kaunsil, na Skul bilong Marasin na Helt Saiens bai larim ol akademik program i go het yet bikos skul program bilong ol i narapela kain liklik, tasol ol tu bai bihainim sampela lo bilong saspensen, taim bilong statim gen ol Yunivesiti akademik program em i stap long lukluk na disisen bilong Yunivesiti Kaunsil.

Yunivesiti Kaunsil i gat bikpela wari na tingting long ol kos bilong Skul ov Marasin na Helt Saiens na ol narapela Skul we bai bagarap bikos long dispela disisen.

Ol sumatin lida i bin go aut nau long ol provins long mekim moa tok save long ol pipel ausait long Pot Mosbi, wanem as na ol i holim straik na i no go long klas.

Ol sumatin i yusim mani bilong ol yet na ol i askim ol i wokim ol fanresing bilong ol yet long mekim dispela wok awenes. Ol bai kam bek long taim bilong Palamen i sindaun long mun Me.

Long wankain taim tu, ol ekesektiv bilong nesenel nes na dokta asosiesen i tokaut long UPNG forum skwea olsem ol tu i sanap baksait long ol sumatin bilong UPNG na bai ol tu i no inap long wok inap Praim Minista em i raus long sia bilong em.

We have knowledge, history, experience and a commitment to PNG like no other financial institution.
 We share a common bond - our culture, our community, our people.
 Knowing that united we will be successful. Wherever you live, we know you, and we are there for you. After all PNG is our home – We are PNG, We are you.

LIVIKONIMO KOKI
 BSP GOROKA BRANCH MANAGER
 20 Years with BSP Bank

WE ARE BSP

www.bsp.com.pg

Hela na Saut Bogenvil bai ileksen bai kamap

BAI ileksen bilong sia bilong Hela Provinsal bai kamap bihain long wanpela mun, Ilekto- toral Komisina Patalias Gamato i tok.

Mista Gamato i tok Ilekto- toral Komisin i nau luk- save olsem ol pipel bilong Hela i stap yet long haus kra i bilong Gavana Anderson Agiru.

Mista Agiru i dai long Epril 28 long Pot Mosbi na ol i planim em long Mande dispela wik long Tapanda, Dauli ausait long Tari, Hela Provins.

Tapanda em i

ples bilong mama bilong Mista Agiru, we Agiru em i bikipela long en.

"Mipela i gat rispek long Gavana Agiru. Mipela i luk- save olsem ol pipel i stap haus kra i bilong namba wan pikinini man na lida bilong ol," Mista Gamato i tok.

Em i tok bihain long klostu long wanpela mun, Ilek- toral Komisin bai toktok long kamapim bai ilek- sen.

"Hela Provinsal sia i nau stap nat- ing. Bai ileksen bai kamap namel long mun Jun na Julai 27.

Mipela bai tokaut long ol ileksen det bihain taim ol pipel long Hela i pinisim haus kra i," Mista Gamato i tok.

Long wankain taim, em i tok Saut Bogenvil bai gat ba ileksen tu. Ilekto- toral Komisin i bin wetim ol pipel long Saut Bogenvil long pin- isim haus kra i bi- long Steven Pirika Kama, husat i bin dai.

Mista Gamato i tok Hela Provinsal sia na Saut Bogenvil sia i nau stap nating na bai ileksen bai kamap klostu taim tasol.

Ilektoral Komisin bai kauntim gen Kandep balot bokis

ILEKTORAL Komisin bai kaunim gen ol balot pepa i stap insait long faivpela balot bokis bilong Kandep Open ilektoret, Ilekto- toral Komisina Patalias Gamato i tok.

Long 2012 Nesenel Ilek- sen, Ilekto- toral Komisin i no bin kaunim ol balot pepa i stap insait long dispela 5- pela balot bokis bikos i bin gat sampela asua.

Mista Gamato i tok ol bai stat long kaunim dis- pela ol balot pepa i stap long 5-pela balot bokis long Wabag long neks wik Mande.

Alfred Manase, kandidet husat i bin resis wantaim Don Polye long winim sia bilong Kandep Open long 2012 Nesenel Ilek- sen, i bin kisim i go long kot long sekim na kaunim gen dispela ol balot pepa.

Mista Manase i winim kot na Nesenel Kot long Waigani long mun Mei 2 i givim kot oda long Ilek- toral Komisin i kaunim gen insait long 30 de ol 3, 248 balot pepa i stap insait long 5-pela balot bokis bilong Lungutenges Namba 1, Kombros

Namba 1, Kambia Namba 1, Maru na Imipiaka insait long Kandep Open ilek- toret.

Mista Manase i bin kam namba tu long salens bi- long Kandep Open sia long 2012 nesenel ilek- sen we pastaim Oposisen Lida, Don Polye, i bin win long bikipela namba.

Mista Gamato i tok Ilek- toral Komisin i nidim K850, 000 long kaunim gen dispela ol dispiut balot bokis.

Em i tok gavman i givim pinis sampela mani na ol wokman bilong Ilek- toral Komisin i go pinis

long Wabag.

"Ilekto- toral Komisin i bin tingting long kaunim ol dispela balot pepa long Pot Mosbi tasol mipela i senisim plen. B a i mipela i kaunim dispela ol balot pepa insait long 3- pela de tasol na mipela bai skelim sapos em bai inap long larim ol kandidet i go insait long eliminesen proses.

"Ol polisman bai sapo- tim mipela wantaim sekyuriti. Mi tok tenkyu long gavman i givim mani long stretim dispela," Mista Gamato i tok.

Philemon amamas long K89 milien rot projek

MILEN Be Gavana Titus Philemon i amamas long K89.5 milien kontrak bi- long silim na apgretim Alotau-East Cape rot.

Gavana Jeneral Gren Sif Sir Michael Ogio i makim gavman bilong PNG na sainim dispela kontrak wantaim Saina Ovasis In- jiniaring Grup Co (COVEC)

long Pot Mosbi long las wik.

Wol Benk na PNG Gav- man i fandim dispela pro- jek. Wol Benk i fandim 78 pesen na gavman i fandim 22 pesen.

Dispela rot bai kamap long tupela mak. Namba wan mak bai stat long Yalua i go pinis long Div-

inai bris, na namba tu mak bai stat long Divinai bris na pinis long Kehe- lala.

Mak bilong tupela rot wantaim em i 51.6 kilo- mita na bai gat 6-pela bris.

Gavana Philemon i amamas taim em i harim olsem Gavana Jeneral i

sainim pinis dispela pro- jek na givim kontrak i go long COVEC long kiksta- tim projek.

Woks Dipatmen i tok dispela projek inap long kamap long mun Januari yet tasol CSTB lain i no bin sotim hariap ol projek bid bilong ol konstraksen kampani.

Japan laik mekim bisnis long PNG

JAPAN i laik mekim bis- nis na em i putim ai long PNG olsem wan- pela gutpela kantri long mekim invesmen.

Ol mausman bilong JICA i mekim dispela toktok taim ol i go givim ripot long gavman bi- long Japan long olsem wanem ol kampani bi- long Japan i wok long mekim long PNG.

Ol i tok stat long via 2014, taim PNG i salim LNG i long Japan, planti ol kampani bilong Japan i wok long putim ai long mekim bisnis wataim PNG.

Ol mausman biong JICA i tok planti kam- pani long oil na ges in- dastri i putim ai long inves long PNG bikos tupela kantri i gat gut-

pela poroman long tred na invesmen.

"Japan i bilip olsem gutpela pasin poroman namel long tupela kantri bai helpim planti ol investa bilong Japan long mekim bisnis long PNG na saplaim Japan wantaim ol risos," ol mausman bilong JICA i tok.

Kessler i toktok gut wantaim Baki



(R-L) Hetman bilong Misin bilong ICRC, Mark Kessler, Komisina bilong Polis, Gari Baki, na tupela wokmeri bilong ICRC i sanap wantaim long taim RPNGC na ICRC i bung.

NUPELA Hetman bilong Misin bilong Intanesenel Komiti bilong Red Cross (ICRC), Mark Kessler, i bin toktok gut wantaim Komisina bilong Polis, Gari Baki, long Polis het- kwata long Konedobu, Pot Mosbi, long las wik

Fraide. Em i bilong strongim poroman wantaim ol in- tanesenel ogenaisesen na ol narapela patna ejensi we em i namba wan samting bilong Royal Papua Niugini Konstabuleri (RPNGC)

we Komisina i amamas long en.

ICRC i pren wantaim RPNGC long planti tok- tok long bipo na Komisina Baki i tok tenkyu long wokbung wantaim ICRC i go het.



APPLICATION STILL OPEN FOR JUNE INTAKE

Attention:

Grade 10s, 12s and Working class "your chance of a better future"

Certificate Courses	Diploma & Advanced Courses
<ul style="list-style-type: none"> ● Certificate in Computing ● Certificate in Accounting ● Certificate in HR Management ● Certificate in Business ● Certificate in Sales 	<ul style="list-style-type: none"> ● Diploma in Accounting ● Advanced Diploma in Accounting ● Diploma in Management ● Diploma in Marketing ● Diploma in Information Systems ● Diploma in Internet Technology ● Diploma in Networking ● Diploma in HR Management ● Diploma in Information Technology

OFFER DAY & NIGHT CLASS

Students who completed ITI Diploma are Eligible to obtain Credits into Business & Information Technology Degree offered By University of Southern Queensland (USQ) Australia.



Contact marketing :
 ITI POM PH :320 2800 Mob : 76850523/72975233
 ITI LAE PH: 472 2790 MOB: 7342 8032

Mulacek ino wanbel long InterOil bod

MAN husat i bin statim InterOil Corp long yia 1994 i no wanbel long ol bod ov dairekta bilong InterOil husat iwanbel long salim InterOil long Oil Search.

Pastaim Siaman na Sif eksekutiv Opisa (CEO) bilong InterOil, Phil Mulacek, i no wanbel long bod bilong InterOil i laik salim kampani i go long Oil Search long K7 bilien (US\$2.2 bilien).

Mista Mulacek tok dispela dil namel long InterOil na Oil Search bai no inap helpim ol seaholda bilong InterOil tasol em bai larim Oil Search i abrusim mak bilong peim US\$1 bilien.

“Dispela US\$1 bilien mani mak em ol seaholda bilong InterOil inap long kisim long PRL 15 long Elk na Antelope ges fil.

“Tasol ol bod ov dairekta i lus tingting long veliu bilong seaholda long dispela kampani,”Mista Mulacek i tok.

Em i tok dispela plen bilong salim InterOil bai nau abrusim US\$1 we Total SA i bin wanbel pinis long givim InterOil long baim PRL 15 bihain long 2C i painimaut long tru tru sais bilong ges i stap aninit long graun.

Mista Mulacek i tok dispela nu-

pela dil i abrusim InterOil long kisim dispela bikpela mani we Total i bin tok promis long givim bihain taim Papua LNG Projek i kamap.

“Total inap long peim dispela mani pastaim long InterOil na bihain long en, em inap long peim narapela US\$1 bilien gen long InterOil taim Papua LNG Projek i kamap,”Mista Mulacek i tok.

Tasol ol bod ov dairekta na menesmen tim bilong InterOil i no bin putim i go pas veliu bilong seaholda bilong kampani long bihain taim, em i tok.

Mista Mulacek i no wanbel long bod bilong InterOil i mekim dispela disisen long daunim veliu bilong kampani na salim long liklik prais.

Mista Mulacek i bin tokim New York Times olsem em i bin statim InterOil long yia 1994 taim em i baim wanpela sekenen rifaineri bilong Chevron long Alaska, USA.

Mista Mulacek i bin kisim sampela ol rabis bilong oil long Kuwait taim bikpela pait i bin kamap long hap na em i bin bungim sampela bikpela man bilong Chevron.

Ol dispela bikman bilong Chevron i bin kisim Mista Mulacek i go long Alaska na soim em long

dispela sekenen rifaineri, we Chevron i bin salim long Mista Mulacek.

Mista Mulacek i kisim dinau mani long wanpela kampani ol i kolim OPIC long yia 1999.

Dispela taim PNG i bin kisim bagarap taim Bogenvil krais i bin pinis na Gavman bilong Amerika i bin lukim olsem PNG em wanpela gutpela kantri long mekim bisnis.

OPIC em i kampani bilong Amerika gavman we i save helpim ol manmeri Amerika i laik statim bisnis ausait long narapela kantri.

Ples bilong Mulacek em i Texas long Amerika tu. Mulacek, husat i bin pinisim skul long Texas Tech Yunivesiti wantaim digri long Petroleum Injiniaring, i bin toktok gut wantaim OPIC na OPIC i bin givim em US\$ 85 milien dinau mani long helpim InterOil i kirapim nupela oil rifaineri long Napa Napa ausait long Pot Mosbi.

Dispela taim ol oil rifaineri i no bin stap long mak we planti ol kampani bai laikim tumas bikos prais bilong oil i bin pundaun long intanesenel maket, wankain olsem em i pundaun nau.

Tasol Mista Mulacek i lukim olsem dispela rifaineri long Alaska

i gat bikpela sans long mekim mani sapos em i abrusim 6,000 mail na kisim i kam long Pot Mosbi.

Wanpela samting Mista Mulacek i bin lukim olsem PNG i no bin gat wanpela oil na ges rifaineri long dispela taim.

Dispela i mekim Mista Mulacek i baim Alaska rifaineri na stat muvim i kam long PNG long kamapim Napa Napa rifaineri.

Bihain long 10 yia, ol konstraksen wok bilong Napa Napa i pinis na rifaineri i stat long kamapim diesel, kerosene na petrol na salim long PNG.

Tasol em i no mekim wanpela winmani long olgeta yia. Long yia 2004, InterOil i bin mekim \$893 milien tasol kampani i lukim olsem em i no mekim winmani.

Los em i mekim sanap olsem \$37 milien long yia 2005 tasol.

Tasol long wankain taim, InterOil i bin mekim ol eksploresen wok long Galp Provins. Long yia 2009, dispela ol eksploresen i painimaut bikpela ges stret long wol i stap long hap.

Elk na Antelop i kamap wanpela bikpela ges fil na i apim nem bilong InterOil long intanesenel ges maket.

Sea prais bilong InterOil tu i go antap long K90 (US\$50) long wan wan sea. Pastaim sea prais i bin stap long 50t.

Dispela i mekim InterOil i kamap wanpela bikpela oil na ges kampani long PNG. Long yia 2009, taim ExxonMobil na Oil Search i kirapim PNG LNG Projek, InterOil i bin tokaut long kamapim Galp NG Projek.

Tasol PNG gavman i bin lukim olsem InterOil i no gat ekspirens long statim na ranim bikpela LNG Projek.

Gavman na InterOil i bin kisim Total SA b bilong Frans i kam insait long yia 2013. Total bai nau kamap opresta bilong Papua LNG Projek, we Oil Search tu bai kamap wanpela projek patna long dispela bikpela namba tu LNG Projek.

Laspela toktok long sait bilong Oil Search i laik baim InterOil bai kamap long Jun 14 taim Mista Mulacek na sampela ol seaholda bilong InterOil i bung long wanpela AGM bilong InterOil.

Mista Mulacek i strong yet long kisim i go long kot ol bod ov dairekta na menesmen bilong InterOil bikos ol i daunim veliu na sais bilong kampani.



INTERNAL REVENUE COMMISSION PABLIK TOKSAVE



OL LAIN BILONG BAIM TAKIS KISIM MANI LONG OL RENT

Intenel Revenu Komisen i laik toksave long ol lain bilong baim takis husat i save kisim ol rent mani olsem yupela i mas save olsem aninit long Seksen 313 bilong Inkam Takis Ekt 1959 long yupela i mas putim wanpela inkam takis riten long soim pul stori bilong ol rent mani ol i kisim, na long wanem yupela i wok yupela i putim kleim long en.

Takis riten fom i stap nating long IRC websait we yu inap long kisim long websait adres www.irc.gov.pg na long ol provinsal opis.

Wanem ol lain i stap long dispela grup?

Ol lain bilong baim takis em ol lain i gat ol graun we ol i putim long lis haus o ol lain i gat haus bilong ol yet husat i wok long kisim rent long ol narapela lain i baim na slip long ol haus.

Ol lain husat i rentim ol haus i mas kisim toksave olsem papa bilong haus o graun i gat wok long givim ol wanpela Takispeia Aidentifikesen Namba (TIN) taim ol i laik sainim lis agrimen wantaim papa bilong haus. Dispela em bilong mekim olgeta wok bilong stem duti na bai i no gat hausung veriesen i go long ol lain we i no gat stem kopi bilong lis agrimen.

Sapos yu wanpela nupela papa bilong haus:

Namba wan step yu mas mekim em long aplai long wanpela TIN taim yu pulimapim wanpela TIN1 fom na givim i go long IRC Opis long kantri. Olgeta IRC fom i stap long websait adres www.irc.gov.pg, na y ken kisim fri. Yu ken skenim TIN1 fom bilong yu na salim long e-mel (na ol pepa i go wantaim) i go long IRC long adres; registrations@irc.gov.pg. Taim yu gat TIN bilong yu, yu inap long putim ol inkam takis riten bilong yu. Em i wanpela lo tu long benk olsem yu mas gat TIN long opim bisnis akaun. Moa toksave i stap long internet adres; www.irc.gov.pg.

Sapos yu gat wanpela olpela rejistresen namba (TFN) na yu no kisim nupela TIN yet:

-Toksave long dispela samting i go long ol Opisa bilong IRC i stap long mein takis peia sevis kaunta, Graun Plua, Era Rumana Haus, klostu long Mogoru Moto Haus long Pot Mosbi taun, na ol bai helpim yu long senisim akaun bilong yu long wanpela TFN i go long wanpela TIN. O no gat yu ken salim email i go long registrations@irc.gov.pg.

Ol riten we yu no salim yet i go long IRC inap long deit 30 Jun 2016 bai yu baim leit peimen penelti na em bai kam long mani mak i wankain olsem takis yu bai baim o bai yu baim K100 fi long olgeta wan wan mun o hap bilong en, stat long deit we yu mas salim riten na long taim ol i kisim, bihinim tasol wanem namba i bikpela.

Moa long en, sapos yu no salim inkam takis riten em bai yu brukim lo na husat i brukim dispela lo, em bai inap long go long kot na kisim mekim save bilong lo aninit long lo bilong lukautim ol mani bilong pablik o gavman. **Mekim save bilong ol lain i no salim inkam takis riten em i K500 na i go antap long K5,000 na antap long en, K50 long wan wan de kaunim ol de we i abrusim deit bilong salim takis riten i go bek long IRC.**

Intenel Revenu Komisen i wok long skelim ol ripot bilong ol rent peimen i kam long olgeta kain hap.

**Tok Orait i kam long
Ms Betty Palaso, OBE
Komisina Jeneral**

Intenel Revenu Komisen - "Patna bilong yu long Kirapim Kantri"
www.irc.gov.pg



WANTOK

Niuspepa Bilong Yumi Ol
PNG Stret!

Wantok niuspepa i laikim ol eijen insait long Madang, Kimbe, Kundiawa, Wewak, Jiwaka, Tari, Kiunga, Tabubil, Daru, Kerema, Manus, Kavieng na Alotau long salim niuspepa bilong mipela.

Mipela i laikim ol Eijen long distributim niuspepa long dispela ol ples antap hariap tru!

Sapos yu ting yu em rait man o meri long dispela wok, ringim Sekulesen Supavaisor bilong mipela long Fon: 325 2500 o Mobail namba: 7384 6688 o email i kam long: seovo@wantokniuspepa.com

iMarket kikstatim bisnis nau



OL manmeri husat i laik salim ol samting long websait na on-lain i mas redi na stap bikos nupela kampani iMarket i redi long mekim bisnis.

Menesing Dairekta bilong iMarket, Gilad Lev, i tok iMarket bai helpim ol manmeri long salim ol kaikai, ol klos, na arapela ol samting ol manmeri i laik salim long websait.

"iMarket em i wankain olsem Gordens maket na Waigani maket long Pot Mosbi. Em i wankain olsem Kaiwe maket long Hagen na Kakaruk maket long Goroka.

"Mipela i nau kamapim wanpela dispela kain maket long websait. Ol manmeri i stap long arapela kantri bai hat long baim ol kakaruk bilong Kakaruk maket long Goroka.

"Ol i hat long baim ol kaikai long Kaiwe maket. Tasol long iMarket, ol bai inap long baim bikos iMaket em i websait maket.

"Ol i kolim onlain maket. Dispela em i pawa bilong nupela

teknoloji na stail bilong mekim bisnis long tude wantaim mobail pon na intanet,"Mista Lev i tok.

Tripela wik i go pinis, Invesmen Promosen Atoriti na APEC Bisnis Advaisori Kaunsil (ABAC) i bin kamapim wanpela bikpela bung long Pot Mosbi.

Dispela bung i bin toktok long helpim ol manmeri i yusim mobail pon na intanet na mekim bisnis

"Dispela bung em o i bin kolim e-Komes long SME samit. Mi bin lukim ai bilong planti manmeri i op na tingting bilong ol i kirap bikos ol i no bin save long yusim mobail pon long mekim bisnis,"Mista Lev i tok.

Em i tok wanpela bisniseri long Saina i bin autim ol gutpela toktok na givim gutpela skul toktok long soim rot long manmeri PNG long kirapim e-bisnis wantaim ol kompyuta na mobail pon.

"Mis Diane Wang i

soim sampela nupela rot long helpim ol liklik bisnis manmeri long kisim ol samting long faktori stret na salim long PNG.

"Ol i ken go insait long websait na baim kar, kompyuta, o arapela ol samting long laik bilong ol yet. Olgeta samting i stap long websait.

"Dispela i ken daunim mani mak bilong kisim ol samting na helpim ol liklik bisnis long gro. PNG i no gat wanpela e-Komes treding platform.

Mista Lev i tok PNG i no gat dispela kain kampani tasol nau iMarket i kam insait pinis long helpim ol SME na bisnis manmeri long PNG i yusim mobail pon long mekim bisnis.

Mista Lev i tok klostu taim tasol iMarket bai opim nupela opis bilong ol long Pot Mosbi na opim arapela ol rijonal opis long Lae, Kokopo na Mt Hagen.

"iMarket i laik helpim ol manmeri PNG i yusim mobail pon long mekim gutpela samting. Mekim bisnis long mobaim pon. No ken yusim mobail pon long lukim piksa, westim taim nating long Fesbuk na westim mani na taim nating.

"Putim ai long iMarket. Mipela i wok long kamapim wanpela e-Komes treding sistem long PNG. Mipela i kisim i kam insait teknologi bilong Israel long statim dispela nupela kampani.

"Mipela i gat ol patna bilong mipela long PNG na ol bisnis patna bilong mipela i sapatim mipela long helpim arapela ol kastoma long PNG," em i tok.

Mista Lev i tok dispela patnasip bai helpim planti manmeri PNG long kirapim arapela moa bisnis patnasip na poroman wantaim sampela ol arapela ovasis kampani, we ol i ken wokbung wantaim na groim bisnis.

Websait bilong iMarket em i www.imarket.com.pg



INVESTMENT TOKTOK with DR. STEPHEN NASH

Invesmen TokTok wantaim Dr. Stephen Nash

Wanpela kopretiv transeksen bai helpim PNG ikonomi long gro.

Sapos yu gat sampela askim, plis salim i kam long email toktoksuper@nambawansuper.com.pg na mipela bai bekim.

Oil Search Ltd., i wokim wanpela nupela we bilong transeksen, long em i laik bungim ol developmen bilong likwifaid nesurel ges (LNG) insait long Papua Niugini, long taim em i baim Inter Oil Corp. Dispela nupela kain we bilong transeksen i kam long tupela bikpela hap transeksen, olsem, maski i gat ol narapela we bilong transeksen i stap tasol i no stap long ol tok stia i stap daunbilol:

- **Namba wan hap, Agrimen wantaim Inter Oil:** Oil Search askim, na i kisim pinis, namba wan agrimen bilong Inter Oil, wantaim wanpela ofa bilong Inter Oil, prais bilong em i stap long wanpela premium mak antap tru, long taim bilong pasim ol prais long Me 19, na
- **Namba tu hap, Agrimen wantaim Olgeta SA:** Insait long wanpela narapela agrimen ausait long Inter Oil agrimen, Oil Search bai, salim sampela Inter Oil inters i antap long Total SA. Bikpela samting em, dispela we bilong transeksen bai strongim hap bilong Total SA long Elk-Antelope ges fil developmen.

Samting em i nupela long dispela transeksen em olsem wanpela liklik kampani, olsem, Oil Search, i bin wok gut long helpim em yet na long wankain taim em i helpim narapela bikpela moa kampani we i wok patna wantaim em,. Long bipo, kampani i save traime long "mekim em yet", olsem na, "win man i save kisim olgeta samting".

Long lukluk gut, yumi ken lukim olsem Oil Search i wokim gut long kamapim nupela we bilong bungim ol salens bilong baim ol komoditi wantaim nupela, na gutpela tingting, we i bihainim pasin bilong wanbel na wok bung wantaim long olgeta lain i kisim wankain gutpela samting. Oil Search i no, "traime long bihainim olpela we", na traime long mekim em yet i go bikpela na, nogat, em i mekim samting we i spesel na i hat tru long mekim; em long em i kamapim ol net benefit bilong OSH, bilong Total SA, na bilong bikpela PNG ikonomi.

Wantaim dispela pasin bilong wok bung wantaim, na dispela nupela we bilong OSH, i gat hop olsem bai gat moa wok bung i kam long bikpela kampani long PNG LNG developmen, long developim gut LNG infrastraksa insait long PNG.

Moa long en, wok bung wantaim long LNG infrastraksa developmen, i luk olsem, em i gat gutpela samting olsem i gat liklik kos bilong namba wan developmen i kamap. Taim kos bilong developmen i go daun, bikpela projek wok bai kamap gutpela moa, insait long namel taim. Bai yumi ken tok olsem, daunim developmen kos gut em bai banisim projek long ol birua insait long namel taim.

Long narapela sait, senis bilong kopretiv developmen em i kam long risos developmen long ol narapela ples olsem Australia, we wanpela wok i no kamap gut, o les bilong wokim wanpela wok wantaim wok bung i mekim ol i wokim gen ol infrastraksa we i kostim bikpela mani, na ol developmen we i no helpim developmen.

Ausait long ol benefit o gutpela samting we tupela kampani bai kisim, dispela dil em i mekim kliia nau ol hevi i stap olsem Total SA bai pasim rot bilong developmen bilong Elk-Antelope ges fil. Kaikai bilong dispela transeksen, olsem ol narapela lain tu i tok orait na ol reguleta, na em i ken go het nau aninit long lo, yumi ken lukim olsem wok bai go hariap na i no isi, isi, long developmen bilong LNG infrastraksa. Na tu, wantaim Oil Search transeksen, Total SA, i mas gat moa toktok long olgeta developmen bilong Papua LNG. Tupela developmen wantaim, i min olsem nupela Papua LNG projek em bai stat long taim, na i no olsem long taim pastaim long Oil Search transeksen i kamap. Wantaim ol narapela samting, dispela i minim olsem ol wari i stap long namel taim developmen bilong LNG long PNG em i kliia, olsem ol i go pinis long sait, wantaim wanpela transeksen we i yusim pasin bilong wok bung wantaim, long kamapim gutpela wanbel tingitn gnamel long tupela birua kampani.

Tasol, ol wok bung long praivet tu i ken kamapim gutpela samting long pablik. Long lukluk moa go insait em olgeta, PNG bai kisim gutpela samting, stat long yia, 2017 na i go, bikos dispela transeksen bai apim mak bilong GDP i go antap hariap moa winim tingting bilong pastaim.



Long kamap Nambawan pren bilong yu na famili; halivim, strongim na lukautim moni gaden bilong yu nau na bihain.

BIGGER, BETTER, SAFER, STRONGER AND STILL NUMBER 1



Rita makim PNG long Katolik Edukesen Wol bung

“Bonjoirno!” o gutpela moning.

Rita i bin tok olsem long ol wanwok bilong em long 53 Katolik Edukesen Ejensi Sekenderi na Hai skul insait long dispela kantri taim em i bin kam bek long Rom.

Dispela i kirapim ol tisa na olgeta i lap na ol tu i pilim olsem ol i stap long dispela bikpela na nupela siti we olgeta i toktok long narapela kain tokples we ol i no gat save long en. Ol kar, bas na trak i spit i kam long yu long rong sait bilong trefik.

Long namba wan yia em i tis long Mercy SS, Yarapos long Wewak long yia 2006, ol i bin askim Rita Kavanamur long kamap tisa long Rilijes Edukesen.

Rita i bin laik strongim Katolik bilip bilong en na em i bin tok yesa.

Stat long dispela taim, Rita i tok Rilijes Edukesen i givim em strong.



Rita Kavanamur i wokim prisentesen bilong em.

Poto: CBC Edukesen

Nau Rita i kamap olsem R.E. Kodineta long Our Lady of the Sacred Heart SS, Vunapope long Is Nu Briten provins.

Em i wok long hap long planti yia nae m i strongim wok bilong em olsem R.E. Kodineta long hap.

Mekim na em i kamapim planti gutpela senis long skul na ol sumatin long OLSH Vunapope we i kamap olsem wanpela gutpela skul bilong ol pikinini meri.

Ol visita i save pilim amamas na i stap wantaim famili taim ol i go long OLSH Vunapope.

Long mun Novemba las yia, Rita i mekim planti wok redi long stretim na redim ol maigresen pepa, paspot, visa na ol arapela moa long wokabaut bilong em i go long Rom.

Man bilong em Ray i bin givim em gutpela sapot na helpim em long kisim na salim ol email mesej i go na i kam we i sut long wokabaut bilong em.

Ray i bin lukautim pikinini man bilong ol taim em i mekim wokabaut i go long Rom.

Rita i bin mekim klia long ol wanwok bilong em olsem as tingting long “Kongress” o bikpela bung em i bilong glasim kontribusen we ol Kristen komyuniti i ken mekim long edukesen long wol, na long nau we planti senis i wok

long kamap.

Em i tok tude ol tisa o ol eduketa i gat bikpela salens long glasim na skelim gen wanem samting yumi givim i go long ol yangpela pipel long helpim ol long fomesen bilong ol.

Rita i tok yumi mas bihainim ol taim ol i mekim ol plen bilong ol long laip na kamap ol witness long ol long laik pasin bilong Bikpela long wol.

Long pinisim, Rita i bin tok, “Yumi mas stap laip long Krais. Yumi mas mekim Rilijes Edukesen olsem wanpela bikpela hap na i stap long namel bilong ol wok yumi mekim insait long ol skul bilong yumi. Kontribusen bilong Rilijes Edukesen long kurikulum na laip bilong skul i narakain bikos em i promotim developmen bilong sumatin long olgeta eria bilong laip nae m olsem man.”

Ol meri bai skruim strong ol SME insait long Gumine

GROIM ikonomi long liklik i go long namel sais long Gumine Distrik, Simbu provins i laikim wok patna wantaim distrik na Lokol level gavman (LLG), Nick Kuman em Palamen memba bilong Gumine na tu, Edukesen Minista, i tok.

Mista Kuman i tok distrik i patna wantaim ol wan wan wod bai lukim planti meri i go insait na tu, long menesim ol liklik bisnis.

Em i tok gavman ol wok long promotim moa meri i go insait long ol wok bisnis bai givim wankain sans wantaim ol man na dispela em i bikpela samting long ol wok developmen bilong kantri.

Mista Kuman i bin givim manimak inap long K2.6 milien long 2016 Distrik Sevis Impruvmen Program (DSIP) fan i go long ol akaun bilong tripela LLG. Mani i stap nau long benk.

Ol i patna wantaim Mi Benk, givim aut 45 pasbuk longol 45 wod kaunsela we ol lain i laik statim ol liklik bisnis bai kisim ol dinau mani long kirapim ol liklik komyuniti projek bilong ol.

“Ol mama bai stap long dispela program bikos ol i save kamapim kaiukai long ol rurel komyuniti, wok longpela awa long gaden long lukautim ol familibilong ol. Ol i olsem ol

enjin rum long ol wan wan haus insait long Gumine na kantri,” Mista Kuman i bin tok.

Em i tok em i gat bikpela bilip olsem ol mama bai kisim dispela kantri i go fowet bikos ol mama em ol tisa long dispela kantri husat i wok long graun, groim ol kumu, lukautim ol gaden, kisim ol kaiukai taim ol i redi, kisim ol kaiukai i go long ples na wokim maket.

Stori na Wok

– Elizabeth Cox

Planim Kainkain Kaikai Long Gaden Kaikai

Toksave: Yumi toktok olsem i gutpela kaiikai long famili bilong gaden na kisim na wokim gaden gen kainkain gutpela kaiikai long famili bilong yumi.

Sapos yu inap long wokim olsem bai ol pikinini bilong yu painimaut olsem yumi inap wokim kainkain gutpela na switpela kaiikai long ol gaden kaiikai – i winim tru samting bilong stua. Na bai ol i amamas long nutrisen kaiikai.

Wanpela we em i kain kain we long miksim kaiikai yu kukim. Na i gat sampela we bilong wokim gaden we ol kain kaiikai o dring i kamap wankain o moa gutpela long old ring na kaiikai bilong stua. Sampela bilong dispela kaiikai em i bilong putim long haus na kaiikai “enitaim’ na wanem taim yu laikim. Sampela long ol dispela kaiikai i no save bagarap o sting kwik.

Sampela ol kain kaiikai yumi inap wokim na kaiikai em i pinat bata na drai banana (o banana sip). Ol i no kostim bikpela mani olsem ol rabis loliwara na sispop bilong stua.

Sapos yu ritim Liklik Buk o Save na Mekim, yu inap long painimaut we bilong wokim ol dispela kain kaiikai. Yu ken rait long – Liklik Buk Information Centre, PO Box 1920 Lae, long baim buk.

Ol Meri Inap Long Mekim Wanem?

Taim ol meri i bung em i gutpela taim long traime ol dispela nupela we bilong wokim kaiikai na dring long gaden kaiikai.

Namel long grup meri yu ken wokim sola draia bilong draim ol prut (na sit bilong planim tu!).

Yupela ken bungim prut bilong yupela wan wan meri na traime dispela wok. Wokim pastaim long yupela yet na sapos wok bilong yupela i kamap gut yu ken tingting long wokim na salim (na resis wantaim long ol dispela rabis dring na loli ol i save salim long stua na grisim ol mangki bilong yumi). Sapos ol meri inap wokim gutpela dispela wok, bai ol i gat nem na bai ol i painim nutrisen wantaim.

Raun lukim ol mama na pikinini...



Ol pikinini i stap insait long wanpela skul ektiviti na harim na lukim wanpela yangpela meri i soim ol long pilai ol kain gem. Poto: Wantok Fail



Ol meri i bung long grup insait long wanpela woksop klostu long Monoitu Misin, Siwai, Saut Bogenvil. Poto: Wantok Fail.

UPNG i mekim klia



Tupela sumatin i amamas na soim buk mekpas bilong tupela.

Gaire Komyuniti Skul kisim TFFE

Frieda Sila Kana i raitim

GAIRE Praimeri Skul long Rigo Distrik bilong Sentral Provins i kamap namba wan skul insait long Sentral Provins long kisim ol buk na ol narapela samting bilong skul we i gat nem bilong skul bilong ol stret.

Ol 470 sumatin na 15 tisa bilong Gaire Praimeri skul i amamas tru long kisim ol liklik bokis i gat ol mekpas bilong sumatin pek na wan wan tisa pek we Treid Pasifik i bin prinim na pasim bilong ol na i bin givim long long wanpela seremoni, we i bin kamap long las wik Fraide 20 Me, 2016.

Hetmasta bilong Gaire Praimeri Skul, Win Gima i tok ol i wetim long TFFE komoditi komponen mani long kam tasol em i no kam hariap long ol i baim ol Tem 1 matiri bilong skul. Olsem na em i yusim hap mani bilong edministresen long baim sampela sumatin na tisa pek long Treid Pasifik.

Mista Gima i tok em i bin toktok wantaim Treid Pasifik tripela wik tasol i go pinis na bihain long tripela wik em ol mekpas bilong ol sumatin na tisa i redi pinis.

Ol sumatin bilong gret 3 i go inap long gret i kisim wan wan mekpas long wankain taim yet, wantaim ol tisa tu.

Long wankain taim tu skul i bin opim wanpela haus tisa we ol i bin yusim tu TFFE mani bilong infrastraksa bilong 2015 long wokim. Mista Gima i tok, tok promis bilong skul i kisim ol buk bilong ol wantaim Logo bilong ol yet i bin kamap long 2013 tasol dispela i no bin kamap tru i kam inap nau em i kamap.

Em i tok insait long 4-pela yia i no gat helpim i bin kam long Sentral Provinsal Gavman o narapela dona lain tasol ol i bin kisim mani long TFFE infrastraksa mani long wokim tripela haus tisa inap long 2015. Long 2013 ol i bin wokim wanpela haus tisa, 2014 wanpela moa haus

tisa na 2015, tasol long 2016 gavman i bungim kes problem olsem na ol i no wokim moa infrastraksa bikos mani mak bilong ol i bin go daun.

Long wankain taim, wanpela opisa bilong Gavana bilong Sentral Provins, Maleva i makim maus bilong Gavana bilong Sentral provins na i givim tok promis long givim K100,000 long kirapim komyuniti haus bilong skul bilong ol.

Wilson David, Jeneral Menesa bilong Treid Pasifik i tok amamas long ol sumatin na i tok, "Tude em i de bilong yupela, long kisim samting long gavman bilong yupela."

Gutpela hetmasta bilong yupela wantaim Bod ov Menesmen Siaman i kam long opis bilong mipela na ol i askim long mipela wokim ol sumatin na tisa mekpas bilong yupela. Nau yupela i kisim wan wan samting bilong helpim skul bilong yupela."

OL polis i stap long Yunivesiti bilong PNG (UPNG) na Taurama kempas long lukautim sefti bilong ol woklain na ol dispela sumatin i laik go bek long stadi na tu, sapotim demokretiv rait na rait aninit long Mama lo.

Wanpela stetmen i kam long Pablik Rilesens na Iven Menesmen Dairekta, James Robins i tok bikos long ol samting i wok long kamap long kempas sampela sumatin na ol sapota bilong ol i kamapim, polis i gat rait long protekim ol propeti bilong stet na tu, sefti na

sekyuriti bilong yunivesiti.

"Ol polis i no stap long UPNG long stopim rait bilong ol sumatin long autim tingting bilong ol, tasol em i bilong lukim olsem laip na sindaun long yunivesiti i kamap orait bek long ol sumatin i ken skruim lainim na skul bilong ol.

"Long ol wik i go pinis, brukim opis na stilim ol samting i kamap long Laip bilong Lig Program opis na stilim ol propeti, stilim ol kar bilong yunivesiti, yusim ol samting bilong pait na kamapim bagarap olsem ol bus-

naip, pretim ol woklain na ol narapela sumatin, mekim nabaut long ol sapot woklain bilong yunivesiti na mekim nabaut long ol sumatin i laik go hetim skul bilong ol, Vais Sansela, Profesa Albert Meliam i tok.

Planti sumatin i lusim pinis Waigani kempas bikos ol i les long ol lain we i wok long mekim nabaut long ol narapela sumatin.

Planti papamama i wari long ol pikinini bilong ol i no go long skul bikos ol i baium bikpela skul fi mani long ol pikinini bilong ol.

Long taim dispela hevi long stopim ol klas i stap, Edministresen bilong yunivesiti i givim prairiti long bringim bek nomol laip na sindaun insait long kempas, long ol sumatin i mas go bek long skul na pinisim Semesta 1.bilong ol.

Senet Stending Komiti bai edresim ol samting i kamap insait long yunivesiti bipo long tupela wik i go pinis long givim ol stia long wanem samitng bai kamap long 2016 akademik yia na ol wok na skul program plen bilong ol.

Forape Sope save toktok wantaim pukpuk

PUKPUK em i wanpela kain animol bilong kilim na kaikai man. Long sampela ples insait long PNG, yumi save harim stori na ridim long niuspepa olsem pukpuk i kilim man na daunim.

Dispela yia tasol, sampela stori i bin kamap long Madang olsem wanpela bikpela pukpuk i bin daunim wanpela lapun meri. Long Sepik na Kerema tu, planti dispela kain stori i save kamap.

Ol pukpuk i no gutpela animol. Ol i save kaikai man na daunim man sapos ol i hangre. Sampela taim yumi ol manmeri PNG i save bilip olsem ol tewel no gut i save yusim pukpuk long kilim man.

Tasol long 14-Mail advensa pak ausait long Pot Mosbi yu bai kirap no gut long lukim wanpela bikpela pukpuk.

Krismas bilong dispela pukpuk em i 57 yia. Dispela pukpuk i save harim toktok bilong papa bilong em, Forape Sope.

Mista Sope i bin kisim wanpela kiau bilong



Oro Gavana Garry Juffa i stap wantaim pukpuk man, Forape Sope.

pukpuk long yia 1959 na dispela kiau i bruk na karim wanpela bebi pukpuk.

Tarangu Sope i no save toktok wantaim ol manmeri olsem em yet na i no save harim toktok. Tasol em i save toktok wantaim

dispela pukpuk bilong em.

Poto i soim Oro Gavana Garry Juffa i sanap wantaim Mista Sope long 14-Mail. Narapela liklik poto i soim Mista Sope i holim bebi pukpuk long yia 1959.

Namba tri poto i soim Mista Sope i sindaun antap long dispela pukpuk, we em i bin lukautim. Pukpuk ya no save kamapim birua long Mista Sope. Mista Sope i save toktok wantaim em na tupela i poroman.

Hot Price!

SanDisk

Cruzer Blade

USB Flash Drive

Easy, reliable and secure storage solution

 8GB	 16GB	 32GB
K17.60 <small>CODE: FD8B inc. GST</small>	K22.00 <small>CODE: FD16B inc. GST</small>	K38.50 <small>CODE: FD22B inc. GST</small>

Valid until 30th June 2016 or until stocks last

Only at...

THEODIST LTD

THE STATIONERY SUPERMARKET

Waigani Drive, POM
Ph: 313 9800
sales@theodist.com.pg

Markham Road, LAE
Ph: 472 5488
saleslae@theodist.com.pg



PIH Saveman *Nius*

“I kam long Pacific International Hospital Port Moresby”

Ph: 311 3000 and 799 88000 Website: www.pihpng.com

Successful Angioplasty in PIH

The tertiary cardiac care team of Pacific International Hospital have done it again. Dr Richard Chan along with his team operated on a 50 year old lady, who was admitted to PIH complaining of breathing problems and accounting it to her past asthma background. Veronica* works with the government in the legal department.

The team first performed angiography on the lady, a mother of five, as a routine diagnostic test and were startled to find what the result displayed. A major artery seemed to be blocked from quite some time (chronic total occlusion).



(similar to driving on a steep uphill road and not knowing where the next turn will come)

it was the most important artery (responsible for almost 70% of the total blood supply to the heart),

it was a case of *proximal stenosis* (the blockage was very close to the start of the artery)

thus making the margins of error really small.



The CathLab Unit of Pacific International Hospital: The only operational unit in PNG

The experienced cardiac team of Pih were unfazed and handled it with their usual dexterity. After a successful operation, the patient is stable now and will be discharged after a day of observation.



In a conventional angioplasty, the doctor threads a thin tube through a blood vessel in the arm or groin up to the involved site in the artery. The tube has a tiny balloon on the end. When the tube is in place, the doctor inflates the balloon to push the plaque outward against the wall of the artery. This widens the artery and restores blood flow.

Doctors may use angioplasty to

Reduce chest pain caused by reduced blood flow to the heart

Minimize damage to heart muscle from a heart attack

Many people go home the day after angioplasty, and are able to return to work within a week of coming home.



Diagrammatic representation of Angioplasty

Last we spoke to Mrs Veronica*, enquiring about her health, she seemed eager to fly out on work! We can safely conclude that the operation has once again been a very successful one.

PIH is Port Moresby's largest private hospital offering more than 14 specialities under one roof, with specialists and technologically advanced equipments being utilised to bring modern healthcare to PNG. PIH is the only hospital in Papua New Guinea to set up a fully functional tertiary care unit especially for Cardiac Care. The theme of PIH's anniversary will be the success in cardiac care that it has achieved in the last 12 months.

** (name changed to protect identity)*

Please call Sam (7109 7004) or Anand (7031 7000) for further details.



GET YOUR HEART CHECKED AT PIH, TODAY!

OUR ADVANCED CARDIOLOGY SERVICES ENSURE YOUR HEART IS IN SAFE HANDS

Why fly abroad, when help is within reach at PIH

Preventive Cardiac Checks	Angiogram and Angioplasty	Cardiac Stress Analysis
Diet Counselling	Echo Cardiogram	Chest Pain Clinic



Pacific International Hospital: Sec 105, Lot 2, Taurama, 3 Mile, Port Moresby, PNG, Ph: 799 88 000
 PIH Clinic: Ground Level, Vision City Mega Mall, Waigani Drive, Port Moresby, PNG, Ph: 7100 2873
 info@pihpng.com | www.visioncity.com.pg | www.pihpng.com | www.facebook.com/pihpng @pihpng



Minista Abel go wantaim YWAM Medikal Sip long Milen Be

MV YWAM PNG nau i pinisim gen wanpela gutpela autris wok long 21 ples insait long Alotau Not Kos na Woodlark/Murua Ailan grup, Milen Be Provins.

Memba bilong Alotau na Minista bilong Nesnel Plening, Charles Abel i go long lukim ol wok opere-sen bilong Medikal sip helt tim antap long sip.

"PNG Nesanel Gavman i putim K5.5 milien olsem mama mani long baim MV YWAM PNG long 2014.

"Em i gutpela long mi lukim long ai bilong mi yet, wanem bikpela wok we YWAM i wok long mekim

long ol ruel eria na long mi lukim kaikai bilong dispela bikpela invesmen. Mi kirap nogut long lukim wei bilong mama sip i wok; wanpela wik long dispela sip i wok inap long karamapim bikpela eria long besim na speselais helt sevis na trening tu.

"YWAM Medikal Sip i bin statim wok long kantri long yia 2010 yet. Na hanmak bilong sevis bilong ol long graun em i winim olgeta kain sevis. Long pinis bilong yia 2016, wok bilong ol bai kisim kain mak olsem moa long K60 milien long helt sevis i go long planti hap long ruel eria we rot i no gutpela tru.



YWAM Medikal Sip Dairekta, Paul Childers, Brett Curtis na Menesing Dairekta, Ken Mulligan wantaim Minista bilong Nesanel Plening na Memba bilong Alotau, Charles Abel i kamap long Boinai.



Sola Pawa Vaksin frisa i go long Gawa helt.

"Mi amamas long invesmen mipela i mekim aninit long dispela gavman. Em i gutpela samting mipela i putim mani long en," Minista Abel i tok.

Insait long 11-pela de bilong klinik, 4,796 pipel i bin kisim heltkea na trening. Ol tim i bin wok wantaim 36 PNG helt wokman na meri long olgeta hap bilong provins aninit long lidasip bilong Milen Be Provinsal Helt Atoriti (MBPHA). Mobail klinik i bin kirap long 21 ples olgeta.

Ol fil ektiviti em i winim 1,000 banis sut na marasin, moa long 700 ai glas i go na moa long 600 dentis wok o ol wok bilong stretim tit.

Wantaim wok bilong bringim heltkea na trening, MV YWAM

PNG na ol volantia tim bilong en i bringim imunaisesen o banis sut na marasin, marasin i go long ol etpos na ol helt senta.

YWAM Medikal Sip Senia Program Menesa, Dokta Sarah Dunn, i tok ol i amamas tasol long sapotim wok bilong helt long ol longwe ples insait long provins.

"Ol autris bilong mipela em bilong wok bung; ol tim bilong mipela em i gat ol provinsal helt atoriti wokman na wokmeri, lokal helt wokman na wok meri na ol PNG Nesanel na intenesenel volati olgeta i save wok wantaim wanpela tingting tasol.

"Wanpela bikpela wok kamap bilong mipela em long bringim ol sola pawa vaksin frisa i go long Gawa Ailan.

Dispela ailan i stap longwe tru, olsem na MBPHA tim i no inap long bringim ol helt fasiliti i go long hap inap long 5-pela mun.

"MBPHA's Kol Sen Opisa i kam wantaim mipela na mipela i go wantaim ol ilektrisen na ensiia bilong mipela na ol i go putim frisa long klinik bilong ol.

Em i gutpela wok tru bilong helpim moa long 3,000 pipel bilong Gawa na ol narapela ailan i stap klostu, long ol i ken kisim gutpela banis marasin Dokta Dunn i tok.

MV YWAM PNG nau i kamap pinis long Oro Provins, na ol bai go long 23 viles insait long provins nambis insait long tupela wik. Moa long 90 heltke, solwara na jeneral volantia i stap long sip.

Modilon Jeneral Haus sik opim nupela operesen tieta

James G. Kila i raitim

MODILON Jeneral Haus sik long Madang nau i gat nupela operesen tieta we ol helt opisal I tok, em I bikpela tru long kantri.

Long Tunde Me 24, ol Bod na Menesmen bilong Madang Jeneral Haus sik wantaim Seketeri bilong Nesanel Helt Dipatmen, Pascoe Kase na ol helt atoriti bilong Madang Provins I bin lukim nupela operesen tieta bilong en I op long namba wan taim.

Mani bilong wokim kamap dispela nupela operesen tieta long Modilon Jeneral Haus Sik i kam long Nesanel Gavman bilong PNG, na tu sampela gutpela helpim i kam long wanpela Katolik Sios haus sik long Melbourne, Australia.

Helpim we i kam long Katolik Sios haus sik long Melbourne wantaim helpim bilong Siaman bilong



Tumbuna singsing samsam fran long nupela tieta.

Poto: James G. Kila

Modilon Jeneral Haus sik na pastaim Presiden bilong Divine Word Yunivesiti (DWU), Pater Jan Czuba husat i bin redim ol pepa wok na i bringim sapot na helpim i kam

long ovasis.

Nupela operesen tieta bai gat stenbai jenereta bilong en yet long helpim wok sapos PNG Pawa saplai i stop, na tu em i gat ol

tenk long holim wara saplai bilong en yet.

Dispela operesen tieta em bikpela tru insait long kantri na i gat foapela bikpela rum we ol dokta bai katim bodi bilong ol man long sekim ol long painim sik na tu long rausim sik long bodi.

Ol asples Madang na tu ol wokman meri bilong Modilon Haus I putim ol naispela bilas na kamapim singsing tumbuna long amamsim dispela de bilong lukim nupela operesen tieta i opim dua bilong en long namba wan taim tru.

Ol lain i redim wok bilong opim haus sik tieta i bin singautim Paimin Minista Peter O'Neill na ol narapela senia minista long go na lukim dispela de tasol ol I no bin kamap long opim dispela bikpela helt fasiliti.

Seketeri bilong Helt Dipatmen, Pascoe Kase wantaim ol lain bodi memba bilong Modilon Haus Sik olsem Pater Jan Czuba na pastaim rijonal memba bilong Madang, Sir Peter Barter na Madang provinsal helt dairekta, Marcus Kachau tasol wantaim ol menesmen na wokman bilong Modilon Haus sik i stap long opim tieta.

Asbisop bilong Madang Daios, Asbishop Stephen Reichart i mekim beten na tromoi holi wara olsem blesing long nupela tieta pastaim long Seketeri bilong Helt, Pascoe Kase wantaim Sir Peter Barter i katim ribbon long opim dispela bikpela bilding.

Mary i ansa bilong ol yut tude



Mani na kantri i sanap krangi

Olgeta taim yumi save tok, PNG i sindaun antap long mani, long wanem, yumi i gat kain kain ol gutpela na strongpela samting Papa God i blesim pinis na putim. Ol samting olsem kopi, kopra, kakao na welpam, ol maining indastri, ges na oil, timba na marin indastri na planti moa. Olgeta yumi bungim wantaim, ol takis mani, yumi save kisim long ol bisnis lain, na ol bisnis han bilong gavman yet, kantri save kamapim malti bilien kina long wan wan yia.

Antap long dispela, gavman i save kisim planti milien helpim mani i kam long Australia tasol, i no gat gutpela na stretpela lain long stiaim dispela malti bilien kina long kantri. Yumi lukim ol stil pasin tasol kantri i go nogut na ol pipel bilong yumi i kisim bikpela bagarap.

Mani, mani, mani, na kantri i no i stap stret nau, em bikos long stil. Stat long palamen haus, i go long haus mani, (fainans dipatmen na surukim i go long olgeta gavman dipatmen pasin stil i no stop).

Tru tumas, taim lo i painim aut na kotim ol dispela wit nogut, tasol ol i kirap gen na yusim mani bilong pipel na banisim ol yet long kisim kalabus.

Lukim, Papa God i givim yumi 100% blesing long dispela kantri bilong yumi PNG. Tasol, mi sori tru olsem, God i no kisim bek dispela 100%. Bilong wanem? Bikos pasin stil, pasin gridi, pasin mi, mi tasol. Gavman na yumi pipel i lus tingting pinis long Papa God.

Yumi pipel na gavman i kisim 100% blesing tasol, dispela ol blesing yumi i no yusim gut na em i save bosim laip bilong yumi na yumi popaia na no givim laip bilong yumi i go bek long God.

Long narapela rot, mi laik brukim 100% blesing gavman i save kisim ol samting long dispela rich kantri PNG. 50% pesen tasol i stap long han bilong ol stil manmeri. (stat long ol lida i go long olgeta gavman dipatmen hia long Waigani, i go long Provinsal hetkota na long ol distrik) 30% em i stap long han bilong lo sistem bilong dispela kantri. Em olsem, pasin bilong surukim kot, haia ol loya na em i kostim bikpela mani, 16% yumi lukim wok developmen insait long Pot Mosbi, Lae na ol arapela bikpela senta na 2% i go long ol wan wan liklik ol provins na 2% i go long ol distrik, tasol i no save go long ples we i gat bikpela nid i stap.

Nau yumi sekim gen 100%. Sios o wok bilong, Papa God husat i givim yumi 100% blesing i kisim 0%. Em nau, mani, mani mani bikpela Papa i givim na mani bilong yumi yet i no givim bek i go long Papa God olsem na mani i mekim na PNG i bagarap na em bai go yet sapos ol lain husat i kamapim dispela birua i senis.

Fr. Ambrose Pereira sdb i raitim

DON Bosco Taurama insait long Nesenel Kapitel Distrik long las wik Sande i bin gat wanpela gutpela na bikpela selebren we i lukim sampela sumatin i kisim Sakramen bilong Konfermasio na Baptismo.

Dispela de tu i bin pestode bilong Mary Help of Christians na lotu bilong luksave long pestode na kisim ol sakramen i bin kamap long Mary Help of Christians haus lotu long DBTI Taurama.

Mak long 32 sumatin bilong Don Bosco Teknikal Skul, Gabutu i bin kisim Sakramen bilong Konfermasio na 15 i bin kisim Sakramen bilong Baptismo.

Moa long 1,100 pipel i bin bung wantaim ol sumatin, woklain bilong DBTI na Don Bosco Gabutu, ol papamama na ol pren long dispelas lotu selebren.

Bisop Rochus Tatamai msc, em bisop bilong Bereina, i bin go pas long dispela lotu wantaim helpim bilong Pater Sonny Fagardo sdb, Pater Angel Sanchez sdb na Pater Ambrose Pereira sdb.

Haus lotu i bin pairap wantaim ol gutpela singsing em Pater Angel Sanchez i bin komposim o raitim long dispela selebren yet we kongregesen i gat ol yangpela lain i bin putim gutpela nek wantaim na singim.

Rica Lavilla i bin go pas long musik grup taim Pastorel Tim i bin go pas long liteji animesen



Bisop Rochus i givim blesing .



Presentesen bilong ol aitem na hia em 11 Zatti i soim stail bilong ol.



Ofetori prosesio.

we ol ITC2 sumatin i bin wokim ol danis bilong ol Tolai na Milen Be.

Long skul tok bilong em i go long planti handet pipel na ol

yut, Bisop Rochus i bin tok "Mary i sanap olsem ansa bilong yumi tude."

Em i bin tokaut long strong bilong Mary long krungutim het

bilong snek na daunim evil o ol no gut samting, na em i tokim ol sumatin long abrusim ol pasin nogut na bihainim Jisas olsem Mary i bin wokim.

Em i bin tokim ol long kisim ol nids bilong ol, ol famili na ol poro i go long Mary.

Namba tu hap bilong selebren i bin kamap long Jimnesium eria bilong DBTI.

Long dispela program, i bin gat ol klas presentesen i gat long en wanpela singsing we Pater Angel i bin raitim na narapela ol i kamapim long laik bilong ol yet.

Marian grup we Dylan Kossin i go pas long en i bin kisim planti kwesten long Mary na ol gem.

11 Zatti na 12 Rua i bin winim posta kompetisen taim Ezra Towali i bin winim dijitel kompetisen.

Pater Clifford Morias sdb, Sister Carmencita A. Rodriguez fma na Francis Banania em ol jas long dispela ol resis program.

Long pinisim program, ol bin holim wanpela lans kaikai we olgeta i bin stap long selebren i bin gat sans long serim kaikai wantaim.

Olgeta i bin tok tenkyu long Papa God long givim yumi wanpela gutpela mama i save lukautim yumi ol pikinini bilong em.

Long 5.30 apinun, Asbisop John Ribat bilong Pot Mosbi Asdaiosis i bin selebretim tenksgiving misa long Srain bilong Mary Help ov Kristens.

Long pinisim olgeta selebren bilong dispela de, i bin gat famili bung kaikai long we Salesien Famili long Mosbi i bin stap long en.

SVD PNG 2016 Junia AGM

Bruder David Nikins SVD i raitim

SAMTING olsem 13 pater na tupela bruder husat bai wokim ol fainel promis bilong ol, i bin stap insait long 4-pela de bung bilong ol long Madang.

Dispela bung bilong ol yangpela SVD long PNG em ol i kolim

SVD PNG Anuel Junia Miting na i binkamap long SVD Sentral haus. Dispela miting i bin stat long Epril 13 na pinis long de namba 14.

Ol dispela pater na bruder i bilong 6-pela kantri long wol.

Bung i bin kamapim sans long ol yangpela SVD long bungim wanpela narapela, sea na toktok

long ol eksperiens na wok bilong ol long PNG.

Sampela long ol bikpela samting ol i bin glasim long dispela bung em rait rilesensip, lidasip, famili laip, ol samting i karamapim ol SVD long PNG na sampela moa.

Olgeta lain i bin amamas long stap na kontribut long dispela

bung na ol i bin lainim planti samting long en.

Long pinisim bilong bung, olgeta lain i bin go long wanpela piknik long Bogia na bihain long dispela, ol i go bek long Madang. Long Mande, ol i go bek long ol wan wan provins ol i wok i stap long en.

Blesim nupela Modilon Opere-sen Tieta

Taim bilong givim blesing long opim nupela opereting Tieta bilong Modilon Jenerel Haus sik long Madang.

Poto: James Kila



I gat ol narapela rot bilong kamapim ol gutpela lida

YUNIVESITI bilong Papua Niugini long Mosbi i pas nau. Na ol 4000 studen bilong UPNG i mas lusim ples na muv aut. Dispela em disisen bilong yunivesiti kaunsil long stopim semesta wan bihain long ol studen i straik na i no go skul inap moa long 4-pela wik. Ol i protes bikos ol i laik Praim Minista Peter O'Neill i mas step daun long wok bilong em.


Yunivesiti kaunsil i tok ol skul program bilong namba wan semesta i no kamap na i kamapim hevi long ol narapela wok bilong skulim ol studen. I gat samting olsem 3-pela wik i stap bipo long namba wan semesta i pinis, olsem na straik bilong ol studen i putim bikpela hevi moa long ol akedemik wok bilong skul.

Dispela disisen bilong UPNG long stopim semesta wan na rausim ol studen long kempas em i wanpela bikpela disisen tru.

Bai ol studen yet na kantri tu i pilim pen bilong dispela disisen. Yumi hop bai ol i skelim gut tingting na opim UPNG gen na larim ol studen i skul go bek skul.

Program bilong wan wan yunivesiti i bihainim kalenda bilong en. Namba wan semesta i gat program bilong en yet na wan wan seksen wantaim ol tisa i redi long wanem kain ol kos ol bai skulim ol studen.

Ol studen bilong Medikol



Fekalti bai pilim bikpela pen tru, bikos long taim ol i straik, ol i mis aut long ol impoten skul na wok bilong helpim ol sikman meri.

Bai ol i gat sans long ketsap o nogat?

Dispela em i bikpela askim i

stap long tingting bilong yunivesiti kaunsil long taim ol i mekim disisen bilong stopim namba wan semesta bilong skul.

Ol tisa na yunivesiti edministresen i nidim taim long stretim ol program bilong skul bikos plen bilong namba wan semesta

i kranki nau.

Skul long yunivesiti level em i bikpela samting na i mas bihainim stret program sapos yumi laik lukim ol studen i kisim kwaliti edukesen. I no gat sotkat long pas long ol eksam na arapela rikwaimen bilong dispela bikpela skul, sapos ol studen i no go skul.

Sampela studen husat i no bin wanbel long straik i kisim taim nau. Na olsem wanem long mani ol i baim pinis long yunivesiti?

Ol studen representativ kaunsil (SRC) i askim UPNG long bekim mani bilong ol na baim tiket bilong ol i go bek long ples. Dispela askim bilong ol i stap nau tasol i luk olsem bai i no gat wanpela samting i kamap.

Na ol papamama husat i hatwok long baim skul bilong ol pikinini i wari long edukesen bilong ol.

Ol i wari long sindaun bilong ol pikinini sapos i no gat ol wantok long Mosbi we ol studen i ken go stap wantaim inap ol i go bek long ples.

Dispela nupela hevi i kamapim bikpela hetpen tru long kantri.

Ol studen i protes na stop skul bikos ol i laik praim minista i mas lusim wok.

Praim minista i bekim askim

bilong ol na tok em i no inap long lusim wok bikos dispela hevi i stap long han bilong kot nau. Na nau UPNG i tokaut olsem bai i no gat skul moa long namba wan semesta.

Yumi hop, ol lain bilong UPNG bai inap long skelim ol program bilong skul na opim gen UPNG. Dispela disisen bilong larim UPNG i pas bai i no inap long helpim UPNG yet, ol studen na kantri. PNG i nidim ol gutpela lida bilong stretim ol hevi i wok long kamap tude.

Ol studen i protes bikos ol i lukim olsem ol nogut pasin bai daunim PNG long bihain taim sapos no gat wanpela man i opim maus na salensim ol disisen bilong gavman. I tru olsem skul bilong ol i bagarap nau, tasol ol pipel i luksave long dispela salens ol i tromoi long ol lida.

Tasol i gat ol arapela rot tu i stap long kamapim ol gutpela lida bilong ol pipel bilong bihain taim. Namba wan rot em long makim ol gutpela na stretpela lida i go long palamen. I gat 10-pela mun moa i stap bipo long laip bilong dispela palamen i pinis na nesene ileksen i kamap.

Yumi hop ol studen bai luksave long dispela bikpela salens na redi gut long taim bilong makim vot. Gutpela sindaun bilong kantri long bihain taim, i stap long han bilong yupela ol pikinini bilong tude.

Sapotim egrikalsa sekta na strongim ol manmeri

NAMBA wan risos bilong strongim kantri em ol manmeri bilong em.

Taim gavman i sapotim gut ol manmeri, bai ol manmeri i strongim kantri.

Long gutpela taim o taim nogut, ol manmeri bai go yet long strongim kantri.

Moa long dispela, pasin kastom bilong Papua Niugini long manmeri i papa o mama bilong graun i sapotim tru tingting bilong kantri long stap strong.

Tasol gavman bilong tude i gat narapela tingting. Em i laik sapotim petroleum na maining sekta.

Hevi nau kantri i bungim long sait bilong mani, i bihainim kain hevi bilong mani long wol i lukim stret i stap long ikonomi bilong PNG.

Prais bilong ges, wel, gol na kopa (petroleum na maining



sekta) we em i sapotim i go daun na dispela i givim hevi long gavman.

Dispela hevi i kamap long wanem gavman i wok long stap long strong bilong dispela sekta tasol na i no ting olsem dispela tupela sekta i save gat ol gutpela na nogut taim bilong ol.

Em i lus tingting long ol arapela sekta olsem egrikalsa, maski oltaim em i givim bak-sait long en, dispela sekta i save strongim ol manmeri bilong PNG.

Las yia taim em i kamap

long wanpela kibung bilong egrikalsa long Lae, Praim Minista Peter O'Neill i bin tok egrikalsa i bun bilong Papua Niugini. Em i min olsem kantri i stap long strong bilong egrikalsa.

Gavman long 2016 Baset i bin givim samting olsem K75.3 milien long egrikalsa sekta.

Long dispela, Egrikalsa Minista na Memba bilong Middle Ramu, Tommy Tomscoll i no amamas na i tok gavman i givim olsem tu (2) pesen bilong baset tasol long em.

Em i tok ol narapela kantri i luksave long strong bilong egrikalsa na i save givim moa long 10 pesen sapot long mani plen bilong ol.

Em i tok long Papua Niugini egrikalsa i givim samting olsem 20 i go inap 25 pesen helpim i go long long kantri

na long gavman i givim kain mani olsem bai no inap helpim tru dispela sekta.

Em i tok sapos gavman i tingting long ol manmeri na i laik helpim ol, orait em i mas givim moa mani long dispela sekta.

Em i tok 87 pesen populesen bilong kantri i stap long ol ples na dispela ol lain manmeri i save stap long strong egrikalsa.

Na taim gavman i givim gutpela sapot long dispela sekta, ol manmeri bai kamap strong. Na taim manmeri i strong, bai ol i strongim ikonomi bilong kantri.

Long kain hevi we kantri i wok long bungim hevi bilong mani, ol manmeri bai strongim ikonomi, i no ges, wel, gol na kopa, Tomscoll i tok.

Dispela toktok bilong Minista i tru olsem na Gavman i mas harim.

WANTOK

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantokniuspepa.com

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Veronica Hatutasi

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Ol Madang atis no gat ples bilong salim samting

James G. Kila i raitim

OL ATIS na ol lain bilong sapim ol naispela kaving na salim long ol ovasis turis long Madang i laikim Madang taun atoriti long wokim wanpela haus we ol i ken stap insait long en na salim ol prodak bilong ol.

Nau yet ol i no gat gutpela haus long stap na salim ol kaving na ol narapela naispela samting ol i wokim bilong salim. Planti bilong ol i save sanap tasol arere long geit i go insait long Madang Resort Hotel na salim ol kaving na ol arapela prodak bilong ol. Tasol long taim ren pundaun ol i save bungim hat taim tru bikos ren i save raunim ol na wara tu i save bagarapim pen long kaving bilong ol.

Nau Madang i gat bikpela ren tasol ol dispela lain atis i save sanap yet autsait long geit bilong Madang Resort na salim ol kaving

na promotim Madang provins olsem turis taun insait long PNG, tasol Madang provinsal gavman na Madang eben lokal level gavman (MULLG) i no gat gutpela luk-save long ol.

Mausman bilong ol dispela lain atis, Simon Ban i tokim Wantok Niuspepa long Madang olsem ol i nidim stret wanpela haus bilong ol i ken stap na salim ol kaving na ol arapela samting ol i wokim na promotim kalsa bilong PNG.

Ban i tokaut olsem planti yia i go pinis ol dispela atis na ol lain save man tru bilong wokim ol kaving na naispela ol stori-bod i save promotim Madang provins long ol ovasis turis. Planti ol kaving ol i wokim long ol timba na bilasim gut em ol ovasis turis i karim i go bek long ples bilong ol na putim insait long wan wan haus bilong ol.

“Mipela save promotim Madang provins oltaim long ol ovasis turis

i kam long ol bikepela sip long Madang.

“Mipela i save salim ol kaving na ol peinting long ol turis na ol i save karim i go na stori long ol lain bilong ol olsem ol i baim ol dispela samting long Madang.

Taim ol wantok bilong ol i lukim ol kaving na ol samting ol i bringim i go, em i save kirapim bel bilong ol long kam long Madang olsem turis tu long bihain,” Mista Ban i tok.

Em i tok olsem em i salim planti ol kaving bilong em i go long ol lain ovasis turis i kam long Madang na planti ol dispela kaving nau i stap long haus bilong ol ovasis lain na promotim PNG i stap.

Ban em bilong Angoram distrik long Is Sepik provins tasol em i stap longpela taim tru long Madang taun na save wokim ol kaving na promotim turism indastri long Madang provins.

Narapela atis na man bilong

Ol Esian lain mangalim ol peinting wanpela atis lainim tasol long graun arere long rot long Madang.



Keneth Ningri i salim ol naispela kaving aninit long ‘Mon diwai’ arere long geit bilong Madang Resort.

wokim ol naispela kaving, Kenneth Ningri bilong ples Tambunum long Angoram distrik i tokaut olsem ol i nidim stret haus long ol i ken stap na salim ol kaving ol hendraf bilong ol na promotim PNG long ol ovasis turis i kam long Madang.

Kenneth i save lainim ol kaving bilong em na ol narapela hen kraf em i wokim aninit long as bilong wanpela mon diwai arere long rot i go insait long Madang Resort

Hotel.

Ningri i tok bisnisman na papa bilong Madang Resort Hotel, Sir Peter Barter i tok orait long ol i yusim rot i go insait olsem hotel.

Em i tok tu olsem Sir Peter Barter i bin yusim risos bilong em long wokim wanpela ‘Haus Kaving’ klostu long hotel bilong em, tasol nau ol mama save wokim bilum na Sepik basket, i bosim long salim samting bilong ol bikos spes long hap tu em liklik.



Ol lain atis long Madang husat save salim ol kaving na peinting bilong ol arere long geit bilong Madang Risot Hotel. Foto: James G. Kila

Stap isi long ples



SOIM KALA. Ol yangpela man kakaruk i soim kala bilong ol.



HATIM SKIN. Long taim ples i kol, ol skin kokonas i gutpela matras bilong Yasi.

Ol poto na stori i kam long Anna Solomon

Laip na stap long ples i gutpela.

Olgeta samting i stap we Bikpelai givim yumi long yusim.

Man i stap wantaim klostu long netja olsem bus, graun, wara, ol diwai na ol animel olsem ol pisin, kakaruk, na ol dispela we yumi save tok ol pren bilong man olsem dok na pusi.

Hia yumi lukim kain rileks laipstail bilong ol lain long ples Mengar i stap long nambis hap klostu long Wewak Taun, Is Sepik provins.



BUAI SAPLAI. Theresia Wembi i soim rop buai em i kisim. Buai i no sot long Mengar.



WOKIM PAIA. Redi long kukim kaikai bilong famili.



PAINIM KAIKAI. Mama kakaruk i painim kaikai wantaim ol pikinini.



Wanang Konsevesen Eria komyuniti trening grup bilong Madang pronins.

Wanpela gutpela skul bilong ol mani lain pikinini long Australia i kisim tok sut

Kings skul em wanpela gutpela skul long Nu Saut Wels we ol pikinini bilong ol mani man i save go long en nau i kisim sut tok long wokim nogut long ol animel. Na ol i mekim wok paiunim long dispela samting.

Ol ripot i tok dispela em spesel skul bilong ol pikinini man na ol animel rait ektivis i kisim skul i go long kot bikos ol i gat ol vidio piksa long ol skul manki i takolim ol sipsip long taim ol i prektis long pilai ragbi.

Poto long trening taim bilong ol mangki i soim ol top pilaia bilong Kings skul i pulim ol animel raun long wanpela fam long Nu saut Wels long mun Epril long dispela yia.

King's skul i save kamapim ol top nesenel ragbi sta i pilai long Australia.

Hetmasta bilong skul i bin tok eksasais i wankain olsem pasin we ol i katim gras bilong sipsip na ol i no kamapim birua o bagarap long ol animel.

Fama i bin tokim tupela kosa olsem pasin ol i wokim long animel em i seif bikos em yet tu i supavaisim dispela eksasais, Hetmas Dokta Hawkes i tokim ABC we i bin ranim stori na piksa long dispela samting.

Tasol long wanpela stetemen bihain, em i bin tok em i no wanbel long disisen. Na maski ol i supavaisim o no gat, o no gat ol sumatin mangki i kisim bagarap, dispela kain rot long trening i no gutpe

Wanpela skul tisa long King's skul i bin putim piksa long dispela samting i go long Facebook nas planti pipel i lukim nas troimol ol toktok i go na i kam long en, tasol nau ol i rausim pinis.

Bosman bilong RSPCA long Nu saut Wels, Mista Coleman, i tok kain trening eksasais i no gutpela.

"Kain pasin mi lukim i ken kamap long ol "human" o ol pipel na em i vaillens," Mista Coleman i bin tokim ABC.



L - R Alyson Joyce, Matt Gresham na Sentanya Gewang i bung wantaim.

Biknem atis bilong Australia, Matt Gresham i bin kam pilai long Lamana Gol Klap long las wiken olsem long makim Australia-PNG Yumi Bung Wantaim. PNG atis Alyson Joyce i bin pilai na singsinga wantaim em long Sarere 21 Me.



L-R Australia Hai Komisen Fes Seketeri, Pablik Diplomesi Lynne McAllister, atis Alyson Joyce, Deputi Australian Hai Komisina Bronte Moules, na hetlain musisen Matt Gresham na PNG idol Sentanya Gewang.




Deputi Australia Hai Komisina Bronte Moules i bungim hetlain Australia atis Matt Gresham.

PNG-Australia Bung Wantaim-Yumi Poroman Wik i bin pulim sampela ol yangpela pipel bilong tupela kantri insait long wanpela bung long Mosbi. PNG-Australia Bung Wantaim-Yumi Poroman Wik em Hai Komisin bilong Australia i sapotim. Dispela program i karamapim ol eria na koneksen olsem musik, spot, entateinmen na edukesen wantaim ol bisnis we ol yangpela i ken go insait long ol. *Poto: Australia Hai Komisin*



Em nau! Ol pikinini i ken painim rot i go long ples wantaim Wantok lain...



STORI BILONG TUMBUNA

Meri kamap Snek



Long wanpela ples long hap bilong san i kamap i gat ol man i stap. Na wanpela lapun meri na wanpela pikinini meri to i stap. Bihain dispela yangpela meri hia i marit long wanpela man, na tupela i gat tripela pikinini, tupela meri na wanpela pikinini man. Dispela man wantaim meri bilong em i hatwok tru long planim bikpela gaden taro na kaukau.


Ol i stap liklik taim moa na mama bilong meri i dai. Na tewel bilong dispela lapun i tainim olsem pik, i kam kaikai olgeta taro na kaukau long gaden bilong ol. Na papa i tok; "wanem samting i kaikai na pinisim ol taro na kaukau bilong yumi long gaden? Mobeta mi was na lukim pastaim."

Long wanpela de nau man ya i go was i stap long gaden, na dispela pik i kamap. Na em i kilim indai dispela pik na karim go long ples. Ol i katim dispela pik na tilim long olgeta man bilong ples, na ol i kaikai na amamas tru. Tasol man ya i givim het bilong pik long meri bilong em long kukim bilong ol long kaikai.


Tasol meri ya i laik lukluk i go insait long sospen na lukim pes bilong lapun mama bilong em i dai bipo. Kwiktaitum tumas tewel bilong lapun mama i mekim meri hia i kamap snek. Bihain mama i tanim olsem snek, em i wokabout antap long dispela diwai, na tripela pikinini i kra i na wokabout long graun. Ol i kra i go na mama snek i tokim ol, "Yupela i go bek long ples." Tasol ol i tokim, "Mama, yumi stap gut."

Tasol yu mekim dispela pasin i no stret long lusim mipela. Na mama i bekim tok olsem, "Yumi stap gut tasol papa bilong yupela i kilim tumbuna bilong yupela i dai. Olsem na tewel bilong tumbuna i mekim mi kamap snek. Em i tok olsem pinis na i go insait long wanpela hul bilong ston. Tripela pikinini hia i longlong long i go bek long ples. Olsem na ol i go kamap long wanpela arapela ples na ol man bilong dispela ples i kisim ol na i stap wantaim ol. Nau yumi ken lukim nambis i gat planti snek i stap, em as long dispela meri tasol."


EM ORAIT



EM NOGUT



Ansa bilong Wod Pilai isu 2175



PAINIM WOD PILAI

Ol wod lista:

DRIPMAN
ENSIN
FERSTAIM
GIAMANIM
GUTPELA
HANGAMAPIM
INGPEN

JASIM
KAKALAK
KARKARIM
LEVELIM
LOLIWARA
MALMALUM
MUMUIM

NAMBAIM
OLTAIM
PAINIMAUTIM
PUKPUK
RIPOTIM
SANDAUN
TUMBUNA





TOK PISIN NEWS

from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

PNG PM i kisim laspela toktok long bekim UPNG askim



OL UPNG sumatin i protes wantaim ol provinsel fleg bilong ol.

Sam Seke i raitim

OL sumatin bilong yuni-
vesiti bilong Papua New
Guinea i givim Praim Min-
ista Peter O'Neill wanpela
altimetum oa taim long tri
kilok tude apinun, long em
i mas bekim gut ol diman o
samting ol i laikim long en.
Wanpela long diman long
petisen we ol i givim em
long Praim Minista i step
daun o lusim sia na larim
polis investigesen na ol ligel
wok i go het long ol tokwin
long korapsen egensim em.
Narapela longen tu em
long ol rot we lidasip bilong
Mista O'Neill i bagarapim
ikonomi bilong Papua New
Guinea.
Siaman bilong UPNG

Forum, Christopher Kipalan
i tok sapos Praim Minista
em i no inapim dimand bi-
long ol, em bai olgeta
sumatin long UPNG i mekim
"mass withdrawal" o olgeta
bai lusim nau skul.

Mista Kipalan i sakim tu ol
toktok bilong UPNG Public
Affairs Manager, James
Robins olsem sampela lain
sumatin i wok long pretim ol
arapela sumatin we i laik
skul yet, na i wok tu long
kamapim wanpela trabal
long Waigani kampes.

Long wankain taim, Papua
New Guinea People's Power
Movement we planti long ol
sivil societi grup na NGO i
stap insait i wok long sapa-
tim tu ol dimand bilong ol
sumatin bilong UPNG, Yuni-

versiti bilong Teknoloji long
Lae na Yuniversiti bilong
Goroka.

Tasol Presiden bilong Peo-
ple's Power Movement,
Noel Anjo i tok em bai hat
tru long Praim Minista
O'Neill i lusim sia olsem PM
olsem ol sumatin i dimandim
o askim strong long en.

Em i tok, dispela em bikos
Mista O'Neill i bin tokaut
long midia pinis olsem sam-
pela isu long petisen i stap
long kot, sampela i orait na
sampela i no stret.

Mista Anjo i tok sapos
bekim bilong praim minista
dispela apinum i no kam
gut, olgeta sumatin, ol tred
yunion na ol NGO i mas
tingting long wanem eksen
ol i mas wokim.

Ol Milen Be pipel i hangere yet

Ol gaden kaikai i bin dai long PNG long 2015 draut.



Caroline Tiriman i raitim

PLANTI pipel long ol liklik
ailan bilong Milen Be
Provins i wok long bungim
yet bikpela hevi long kaikai
bihainim draut o taim bilong
bikpela san long 2015.

Steven Tobesa, Provinsal
Disasta Opis long Milen Be i
tok, maski planti ren i wok
long pundaun, ol pipel i sot
iet long kaikai.

Ol ripot i kam long PNG i
tok samting olsem 160 tau-
san pipel i wok long kisim

taim yet long hangere.

Sampela provins long Hi-
lans rijon, wantaim tu
Milen Be Provins na West-
ern Provins i bin bungim
bikpela bagarap long dis-
pela draut em El Ni no i bin
kamapim.

PNG na Australia Egrikalsa wok bung

Caroline Tiriman i raitim

DAIREKTA Jeneral bilong National Agriculture
Research Institute long Papua New Guinea i
tok em i amamas tru long ol wokbung em lain
bilong Australian Centre for International
Agriculture risets i gat wantaim PNG.

Dokta Sergie Bang i tok ol wok painimaut
em NARI i gat nau bai no save go het gut
sapos em i no kisim helpim i kam long Aus-
tralian Centre for International Agriculture
research we em i go het moa long 20 yia nau.

Em i tok long dispela taim ACIAR na NARI
i gat samting olsem wanpela ten tu pro-
jekts em ol i wok long en.

Planti opisa bilong NARI i save kam long
Australia long kisim trening long ol wok bi-
long egrikalsa aninit long John Allwright na
John Dillon Fellowships.

Dispela tupela man i bin gat bikpela save
tru long ol wok bilong egrikalsa laipstok na
Fiseris long Australia.

Ol stori na piksa i kam long ABC

PNG ovasis wokman i no gat pe

Caroline Tiriman i raitim

GAVANA bilong Oro provins
i tok hevi bilong mani em i
wok long kamap long ol gav-
man wokman-meri long ol
narapela kantri i bringim
bikpela sem long PNG.

Gary Jufa i mekim dispela
toktok bihainim ol stori olsem,
planti ol foren embasi na ol
Hai Komisn i no gat mani long
baim ol wokman meri bilong
ol long sampela wik nau.

Em i tok dispela wari i
soim olsem ol wok mani bi-
long PNG i bagarap olgeta.
Long wik,deputi lida bi-



Gawana bilong Oro Provins Gary Jufa

long Oposisen, Sam Basil i
Foren Minista Rimbink
bin tok tu olsem ol foren
Pato i bin tok olsem ol i
stretim pinis dispela wari.

Guam Festival bilong Pasifik Art bai pulim planti turis

Caroline Tiriman i raitim

PLANTI Pasifik Ailan kantri
nau i wok long redi long go
long namba 12 Festival of
Pacific Arts long Guam em
wanpela teritori bilong
Amerika.

Ol i tok dispela festival bai
pulim planti pipel tru bilong
Esia na Amerika long lukim
olgeta kain kain kalsa bilong
rijon long wanem em i stap
namel tru long dispela tu-
pela kontinen.

Samting olsem 27 kantri
bilong Pasifik bai stap long
dispela festival em bai stat
long Me 22 i go inap long
Jun 4, 2017.

Dispela Festival long Guam
i bihainim namba 11 Festival
of Pacific Art em Solomon



Ol memba bilong Solomon Ailan singsing grup long 2012 Fes-
tival ov Pasifik At long Honiara

Ailan i bin lukautim long 2012.
Solomon Ailan bai salim
170 atis na ol musik man-
meri i go long Guam we i
soim kalsa bilong ol.

Dennis Marita bos bilong
delegesen na tu, em i dairek-

tar bilong Kalsa long Ministri
bilong Culture na Tourism
long Solomon Aolan husat
bai go tu long dispela festival
i tok Festival ia long Guam
bai pulim planti turis i kam
long Pasifik rijon.

Pot Mosbi siti i stap orait

Sam Seke i raitim

O wok na laip long Pot Mosbi tude i go het
orait olsem olgeta taim, maski i bin gat sam-
pela toktok long bikpela straik na olgeta
samting bai pas.

Long wankain taim, Jeneral Seketeri bi-
long Papua New Guinea Trade Union Con-
gress, John Paska i askim ol tred yunien long
bung na toktok gut pastaim long mekim ol
straik.

Niusmeri bilong ABC long Port Moresby,
Joy Kisselper i bin go raun long siti na mi
askim em sapos straik i go het.

Dispela tingting bilong olgeta wok i no ken
go het i bihainim ol bikpela wari long korap-
san em ol i sutim tok long Praim Minista
Peter O'Neill na gavman bilong en i mekim.

Em i bihainim tu askim bilong ol yuniver-
siti bilong PNG, na ol narapela raun long
kantri long Praim Minista O'Neill long lusim
wok bilong en.

Das bilong maunten paia i karamapim ol taun long Costa Rica

WANPELA maunten paia i pairap long sentral Cosat Rica, Sentral Amerika na i tromoi ol smok i go aut long mak bilong 3,000 mita o 9,840 fit antap long skai.

Mekim na planti handet pipel i go long haus sik long kisim tritmen bihain long ol i komplem long bungim hevi long pulim win na skin.

Ol i bin pasim sampela skul na tu, kenselim sampela ran bilong balus o ol i tanim i go bek long narapela hap.

Ol lain long San Jose, kapi-tel bilong Costa Rica we i stap 45 kilomita wes long Turrialba Maunten paia i tok bikpela das i karamapim ol bilding na kar na i smel bilong salfa i no isi.

Nesene Imejensi Komisn



Ol i tokim ol manmeri klostu long ples we maunten paia i stap long en long putim ol mask na tait klos long lukautim skin na nus bilong ol.

long Costa Rica i edvaisim pablik long werim ol mask na ol tait klos long lukautim ol long sik na lang na skin.

Volkenolojis o man i save

long ol maunten paia, Gino Gonzales, i tok dispela em i bikpela maunten paia bilong Turrialba Maunten paia insait long 6-pela yia i go pinis.

Costa Rica i gat samting olsem 12-pela volkeno o maunten paia, tasol planti bilong ol i stap isi, na ol i no paia.

Beilimaut Greece: Ol MP i tok orait long katim daun sampela eria na bai no inap blokim ol beilaut mani

PALAMEN bilong Greece i tok orait long katim daun sampela eria insait long baset na ol eria tu we takis i antap tupela de bipo long wanpela miting bilong Yurozon i rausim rot i blokim ol fan o mani long belim aut Greece long ikonmik hevi.

Syriza koalisen em strong-pela leftis pati i bin go pas long tok oraitim bil ya we planti lain i no wanbel long en long mask bilong 153 vot egensim 145 vot.

Long las yia, gavman bilong Greece i bin tok orait long namba tri bel aut las yia we i bin kostim moa long €86 bilien (£67bn; \$96bn) long las yia.

Ol lain i bin bung ausait long Palamen Haus long demonstrat egensim nupela lejislesen. Ol Fainens Minista bilong Yurozon i bin bung long Brussels long dispela wik Tunde.

Dispela bil i kamapim tu praivetaisen fan bilong stet

we ol Yurozon Fainens Minista i rikwes long en.

Wanpela memba bilong Syriza em, Vassiliki Katrivanou, i bin vot egensim bil na stenbai plen sapos kantri i no inapim beilaut taget.

Greece i laik ri negosietim nupela helpim long bekim €3.5 bilien em detlain bilong em i kamap long tupela mun i kam.

Long stat bilong dispela mun, palamen i bin tok oraitim ol senis long pensen na inkam takis sistem.



Ol protes i go het long Sande ausait long Palamen

EgyptAir: Samarin i painim yet ol data rekoda bilong balus i lus yet

KANTRI IJip nau i salim wanpela robot samarin long painim ol flait rekoda bilong EgyptAir balus i lus.

'Mipela i mov kwik long traim painim tupela bokis i gat ol infomesen long ol,' Presiden Abdul

Fattah al-Sisi i tok long namba wan pablik stetmen bilong em.

Dispela EgyptAir balus i wok long mekim ran long Paris i go long Cairo, Ijp wantaim 66 pipel long las Fonde na i bin lus.

Mista Sisi i tok i no gat tok we ol i ken tok dispela em i tru long tok olsem em i mekim "no particular theory we can affirm right now" for ran bilong balus MS804 i kres o bagarap.

Ol lain i mekim ol wok painim i tok ol i bin lukim ol smok i kamap long kebin, tripela minit bipo balus i lus.

Sivil Eviesen Minista bilong Ijip i tok teroris atek i wanpela strongpela as long kamapim dispela

birua, tasol Presiden Sisi i tok painim as tru bilong dispela birua bai kisim longpela taim na ol bai lukluk long olgeta rot we ol i ting i kamapim dispela birua.

Ami bilong Ijip i soim ol potu long ol laip jeket, ol pesenel samting bilong ol man, ol hap bodi na logo i gat EgyptAir long en, na ol pipia ol i bin painim long Mediterenien Si taim ol i mekim wok painim long las wik Sarere. Tasol ol i no

painim bodi bilong balus na tupela blekpela bokis we i save rekodim ol flait data.

Long las yia mun Oktoba, Airbus A321 we Metrjet bilong Rasia i operetim i bin pairap taim ol i mekim ran antap long Sinai Peninsula na olgeta 224 pipel i bin dai.

Sinai Provins we i gat bikpela sapot long Islamik Stet (IS) Zjihad grup i tok ol i bin haitim na karim wanpela bom i go insait long balus.

Vailen protes long Chile, Saut Amerika i kamap taim presiden i toktok

BIKPELA protes i bin kamap taim Presiden Michelle Bachelet i wokim toktok bilong em i go long kantri.

Ol lain i wokim demonstresen i bin sanapim ol samting long banisim ol ples na tromoim ol paia bom long Valparaiso we Kongres bilong Chile i bin bung.

Ol polis i bin tromoim tiages na wara kenon.

Wanpela sekyuriti gad i bin dai bihain em i pulim win nogut bilong ol samting i paia we ol mask manmeri i protes i kukim wanpela kemis bilding na supamak long en.

Ol pipel long Chile i kros bikos

wok ikonmi long kantri i wok long bagarap na tru, korapsen long famili bilong Mis Bachelet.

Mis Bachelet i bin winim ileksen long kamap lida bilong kantri long yia 2013, na em i bin tok promis long daunim pasin we sampela man i moa strongpela o i gat planti long ol narapela, i tok kantri i wok long senis na em i mas go het moa.

Em i tok fri edukesen polisi i stap nau i luk olsem em i wok, na kantri i bihainim rot stret em bai go long en.

Em i tok sapos kantri i no mekim senis nau bai ol hevi i stap na bai ol i go bikpela moa yet.



Ol bilding long sampela hap bilong siti i paia.

Oil Search bai baim InterOil



Ges i paia long Antelop ges fil long Galp Provins.

OIL na ges kampani bilong PNG, Oil Search Limited (OSL) bai kamap wanpela bikpela petroleum kampani insait long Esia-Pasifik rijon taim em i baim InterOil Corp.

Oil Search i laik baim InterOil long K7 bilien (US\$2.2 bilien). Dispela K7 bilien bai baim PRL 15 na olgeta ol ges fil bilong InterOil long Galp provins.

Tupela kampani i tokaut long dispela trenseksen long las wik Fraide.

Bod memba bilong tupela InterOil Corp na Oil Search wantaim i wanbel pinis long larim Oil Search i tekova long 100 pesen seaholding bilong InterOil, na i luk olsem dispela bikpela trenseksen bai kamap klostu taim tasol.

Ol bod ov dairekta bilong InterOil i wanbel long salim olgeta sea bilong InterOil i go long Oil Search. Dispela em i toktok i kam long siaman bilong InterOil bod, Chris Finlayson, na Sif Eke-sekyutiv Opisa, Dokta

Michael Hession.

"InterOil bod i askim ol seaholda long wanbel na salim kampani i go long Oil Search bikos ol bai kamap seaholda bilong Oil Search, na tu ol bai kisim mani long ol i salim sea bilong ol," Mista Finlayson i tok.

Menesing Dairekta bilong Oil Search, Peter Botten, i tok dispela bikpela trenseksen bai kirapim invesmen potfolio bilong kampani na apim seholda veliu i go antap.

Dispela i soim olsem ol seaholda na wok manmeri bilong Oil Search bai kisim bikpela benefit long dispela trenseksen.

Mista Finlayson i tok ol seaholda bilong InterOil tu bai kamap seaholda bilong Oil Search, na tu Oil Search bai baim ol sea bilong ol.

Praim Minista Peter O'Neill i bin amamas long Oil Search i laik baim InterOil.

"Dispela em i wanpela gutpela bisnis trenseksen. Oil Search em i kampani bi-

long yumi ol PNG na gavman i gat 10.1 pesen sea long dispela kampani.

"Dispela trenseksen bai kamapim Oil Search olsem wanpela bikpela oil na ges kampani long Esia-Pasifik rijon," Mista O'Neill i tok.

InterOil em i wanpela kampani bilong PNG. Tupela man Phil Mulacek and Dokta Gaylen J. Byker i bin statim InterOil long PNG long 1994 long Pot Mosbi.

Tupela i bin baim olpepa refaineri long Alaska long Amerika na kisim i kam long PNG na kamapim Napa Napa refaineri.

Oil Search tu em i kampani bilong PNG we ol i bin statim long yia 1929 long PNG. InterOil em i stap long Nu Yok Stok Eksens (NYSE) na Pot Mosbi Stok Eksens (POMSox).

Oil Search em i wanpela bikpela 500 kampani we i stap long Australian Sekyuritis Eksens (ASX) na tu long POMSox.

Yut lida askim pipel long sapotim Ramu NiCo Projek

Mathew Yakai i raitim

WANPELA yut lida long Kurumbukari maunten long Bundi lokal level gavman eria i laikim ol papagraun i mas sanap baksait na sapotim Ramu nikel/kobalt projek long eria bilong ol.

Yut lida, John Tigavu, i tok olsem Ramu NiCo Projek long Kurumbukari em wanpela projek projek tasol nau long eria we i opim dua na bringim lait na opim rot long ol sevis long go insait long Kurumbukari. Pastaim tru ol pipel i save pilim pen.

Tigavu i bin mekim dispela ol toktok insait long wanpela lo na oda awenes long Enekuwai las wik.

Dispela yangpela man, papa bilong em David Tigavu, long pastaim i sia-

man bilong Kurumbukari lenona asosenen, nau i gat bikpela luksave long projek na i laik ol pipel i sapotim projek na mekim wok stret long lukim kaikai i kamap.

Em i tok Ramu NiCo i olsem wanpela mama i wok long givim susu long pikinini, na taim em i rausim susu bilong planti ol lain bai kisim hat taim tru na planti bai go hangre.

Tigavu i tok Ramu NiCo Projek i bringim planti ol infrastraksa projek developmen i go insait long Kurumbukari eria we pastaim long independens i no bin stap o gavman i no kamapim.

Ramu NiCo Projek i wokim rot na bikpela bris katim bikpela Ramu riva, na dispela ol bikpela sevis em ol pipel i mas luksave bikos em

i sapotim tru ikonomi bikos taim rot i stap ol pipel i ken go aut long kisim sevis na tu, salim ol samting long helpim laipstail bilong ol.

Papa bilong John, David Tigavu, i wanpela strongpela sapota bilong Ramu nikel/kobalt projek long stat long developmen taim yet. Tarangu i bin lusim gutpela wok bilong em wantaim Air Niugini long go bek long ples na toktok strong wantaim ol pipel long bringim projek i go insait.

John Tigavu nau i luksave olsem ol bihain taim bilong ol pipel bilong Kurumbukari i mas stap long edukesen. Olsem na em i laikim ol pipel i mas inves o sevim mani na putim long salim pikinini i go long skul long kisim gutpela save.



Yut lida na asples KBK papagraun, John Tigavu i mekim toktok long Enekuwai long lo na oda awenes.

Gavman laikim Ramu NiCo mas op gen

GAVMAN i laikim Ramu NiCo maining long Madang Provins long kirap gen, Transpot Minsta Nixon Duban i tok.

Mista Duban, husat i Memba bilong Madang, i bin go lukluk raun long Basamuk Rifaineri long las wik Fraide.

Mista Duban i bin go raun long hap wantaim Siaman bilong Ramu NiCo Management (MCC) Limited, Zhong Shaoxing, na vais presiden Wang Bowen.

"Dispela main em i wanpela namba wan maining projek bilong PNG. Mipela i save olsem MCC i gat kapasiti na save long ranim dispela maining tasol ol envairomen samting, prodaksen kos na ekspot los em ol samting we yumi olgeta i wari long en," Mista Duban i tok.

Em i tok gavman i laikim ol

investa long bihainim ol lo na sefti standet . Mista Duban i tok Mineral Risos Atoriti (MRA) i mas oltaim sekim gut na larim ol maining kampani i bihainim sefti standet.

"Mi wanbel long ol investa i kam insait na inves long hia. Dispela kain invesmen bai kirapim kantri taim planti manmeri i wok, gavman i kisim takis mani na arapela gutpela samting i kamap," Mista Duban i tok.

Tasol em i tok ol investa i mas bihainim ol lo na standet bilong mekim bisnis long PNG.

"Gavman i les long dispela main i pas. Bai mi go bek na tokim gavman long wanem samting i kamap long hia, na askim sapos gavman i ken opim gen dispela nikel na kobalt main bilong yumi long PNG," Mista Duban i tok.

Tupela minista promotim bisnis

MINISTA bilong Tred, Komes na Industri, Richard Maru, i laikim planti manmeri PNG long statim liklik bisnis na kamap ol bisnis manmeri.

Mista Maru i autim dispela toktok long dispela wik long Gumine distrik long Simbu Provins we em i bin bihainim Memba Nick Kuman long lon-sim K2.6 milien maikro bisnis developmen projek bilong ol pipel bilong Gumine.

Mista Kuman, husat i Minista bilong Edukesen, i givim dispela K2.6 milien long ol liklik manmeri insait long distrik bilong em long statim liklik bisnis o maikro bisnis na kamapim smol bisnis entaprais.

Minista Maru i bin amamas stret long dispela gutpela pasin we Minista Kuman i soim long ol pipel bilong em.

"Bihain long 15 yia, mipela i laikim ol manmeri PNG yet long ranim 450,000 bisnis na kampani long kantri bilong yumi," Mista Maru i tok.

Em i tok ol pipel bilong Gumine nau i gat gutpela lida husat i soim gutpela rot na givim sapot long mani helpim ol

pipel i mekim bisnis na kamap wanpela bilong dispela 450,000 bisnis.

"Memba bilong yupela i soim gutpela rot. Sans i save kam wanpela taim tasol. Mi laik salensim yupela long yusim dispela mani gut na mekim samting stret.

"Sapos yu westiim nating dispela mani, bai yu kisim gen long we? No gat wanpela man bai sori long yu na givim mani nating long yu long statim bisnis sapos yu i no fit long menesim gut na lukautim liklik mani," Mista Maru i tok.

Em i tok aninit long lidasip bilong em, Nesenel Gavman i kamapim nupela SME polisi bilong PNG.

"SME polisi bilong gavman i stap pinis. Mipela i kirapim dispela polisi long tupela yia. Mipela i stadim ol SME polisi bilong arapela ol kantri na kamapim dispela polisi long helpim ol manmeri PNG i kirapim SME bisnis," Mista Maru i tok.

Mista Maru i tok dispela SME polisi i painimaut olsem nau yet PNG manmeri i ranim 10 pesen bilong liklik bisnis.

"Ol ausait manmeri i tekova long ol-

geta risev bisnis na liklik bisnis we manmeri bilong yumi yet inap long mekim. Dispela i lukim planti manmeri i stap tarangu yet na ol i no gat gutpela laipstail na sindaun long ples," Mista Maru i tok.

Mista Kuman i tok em i les long ol pipel bilong em i raun nating long strit o stap nating long ples tasol em i laikim ol long kirapim liklik bisnis na kamap gutpela manmeri long dispela kantri.

"Mi painimaut olsem moa long 80 pesen manmeri long kantri bilong yumi i no gat benk akaun na i no gat gutpela wok mani.

"Taim mipela i promotim liklik bisnis na helpim ol manmeri long statim bisnis, mipela i laik senisim sindaun bilong ol manmeri. Mipela laikim ol pipel kamapim gutpela sindaun long ples.

"Ol papamama bai gat mani long salim pikinini i go long gutpela skul. Ol bai gat mani long go kisim marasin long gutpela haus sik.

"Ol bai gat mani long sanapim gutpela haus na stap gut olsem ol wait manmeri i stap," Mista Kuman i tok.

BSP mekim K143 milien winmani

BENK Saut Pasifik (BSP) i mekim win mani long namba wan kwata bilong dispela yia. BSP i mekim K143 milien na dispela i soim olsem 2 pesen gro we las yia long wankain taim, kampani i no bin mekim dispela kain winmani.

BSP Grup Sif Eksekutiv Opisa (CEO) Rob in Fleming i tokaut long anual jeneral miting bilong benk ya olsem winmani kampani i mekim dispela kwata em i bikpela tru.

Long las yia long wankain kwata, BSP i bin mekim K130.5 milien. Mista Fleming i tok maski total reveniu bilong BSP i pundaun long 5 pesen long namba wan kwata i kam daun long K419

milien na kam daun olgeta long K397 milien, em i 9 pesen orait long wankain taim long las yia.

Mista Fleming i tok total revenu i pundaun i kam daun bikos sampela ol fi na komisin tu i kam daun.

"Ol eria we winmani i kam daun em long ol invesmen na foren eksens inkam," em i tok.

Em i tok level bilong ol manmeri na kampani husat i wok long bekim dinau mani ol i kisim long BSP i wok long kam daun long K15.2 milien.

Long las yia, BSP i bin kisim K18.8 milien we dispela i soim olsem planti manmeri na kampani i bin bekim bikpela mani bek long BSP.

Bakani: 5t koin em i mani

FAIV toea koin em i mani bikos lo i luksave na tok orait long ol manmeri na bisnis i yusim dispela mani long PNG, Gavana bilong Bank of PNG, Loi Bakani, i tok.

Mista Bakani i tok Sentral Benk i wok long larim ol manmeri na bisnis haus long PNG i yusim yet 5 toea koin.

"Sentral Benk i gat planti 5t koin i stap na mipela i wok long givim i go long ol komesel benk. Sentral Benk i laikim ol komesel benk long givim i go aut 5t koin long ol bisnis na manmeri," Mista Bakani i tok.

Em i tok ol manmeri i no ken ting 5t em i no mani. Em i salensim ol papa bilong bas na ol bas kru long no ken komplem long ol pasindia sapos ol i yusim 5t long baim bas fi.

"Mi laik tokim ol manmeri na bisnis haus long PNG

olsem 5t em i mani. Sapos wanpela man o meri i bagarapim pes bilong 5t koin o arapela koin na pepa mani, Sentral Benk bai sasim ol bikos ol i brukim lo," Mista Bakani i tok.

Em i tok planti taim ol manmeri husat i save bagarapim mani i save hait na mekim. Olsem na i hat long Sentral Benk i holim ol na sasim ol.

Mista Bakani i tok ol manmeri na bisnis haus husat i yusim piksa bilong ol mani na droim ol piksa bilong mani long siot, trausis o sampela samting, i brukim lo tu.

"Sapos ol manmeri o bisnis haus i laik yusim piksa bilong mani, ol i mas kisim tok orait long Sentral Benk. Sapos ol i no askim mipela na mekim long laik, em ol brukim lo. Bai mipela i holim na sasim ol," Mista Bakani i tok.

Nupela gad bilong RSSL greduet long Kurumbukari Main



Ol Raibus Sekyuriti gad i sanap long piksa bihain long greduesen.

WANPELA asples sekyuriti kampani bilong ol papagraun insait long Ramu nikel/kolbalt projek long las wik i bin lukim 42 nupela sekyuriti gad i greduet long wok long Kurumbukari Main eria long Madang provins.

Greduesen i bin kamap bihain long wanpela wik trening i karamapim eria bilong besik gad duti we i karamapim sefti menesmen, rispons long imejensi na birua, gad protokol na painimaut long ol birua na ol ripoting wok.

Dispela greduesen bilong ol nupela gad long KBK bai bringim namba bilong Raibus Sekuriti Sevises long KBK Main i go antap long 102 gad olgeta.

Man i go pas long trening bilong ol RSSL gad, Jimmy Baida i tok olsem trening ol i kisim bai helpim ol long ol gad i ken luksave long wanem ol wok ol i mas wokim na tu luksave long wok em ol mas bihainim oltaim.

Namba wan trening bilong ol RSSL gad i bin kamap long 2007 na namba tu em long 2013.

Long dispela taim i gat 58 gad tasol i stap long KBK Main eria.

"Tude em namba tri trening na mipela lukim 42 gad i pasaut, na dispela i bringim namba bilong ol gad i go antap long 102 long KBK Main sait," Mista Baida i tok.

Em i tokaut tu olsem long nau yet i gat 108 gad bilong

RSSL i stap long Basamuk Rifaineri bilong Ramu NiCo na 98 gad i stap wok long Madang taun.

Mista Baida i tokaut tu olsem moa trening bai kamap long bihain taim we bai lukluk long trenim ol supavaisa na ol komanda bilong RSSL.

RSSL Jeneral Menesa, Mathew Denguo, i tokim ol dispela nupela lain gad olsem ol i mas amamas olsem kampani i givim wok long ol olsem na ol i mas mekim wok stret long sapotim Ramu NiCo Projek oltaim.

Mista Denguo i tok wok em planti ol asples lain nau i kisim i go wantaim Ramu NiCo Projek MOA we i luksave olsem ol papagraun bai

kisim namba wan luksave long sait long wok. Olsem na dispela kain luksave bai stap yet aninit long menesmen bilong em.

Deputi siaman bilong Raibus Limited bod ov dairektas, Moses Kumura i salensim ol nupela gad long wok olsem papa bilong RSSL na givim taim na wokim wok stret long bringim ol sevis i go long ol klain na kastoma.

Supavaisa wantaim Ramu NiCo Aset Proteksen Dipatmen (APD), Roy Lambe i salensim tu ol nupela sekyuriti gad long wok olsem profesenel lain na wok long taim stret na givim moa taim long Ramu NiCo long soim gutpela rilesins namel long RSSL na Ramu NiCo.

NGE daunim kost bilong operesen

NEW Guinea Energy Limited (NGE) i laik daunim sais bilong ol wok manmeri bilong em bikos prais bilong oil i pundaun na i hat long kampani i mekim moa mani long sapotim planti wokman.

Bod ov dairekta na seaholda bilong NGE i kamapim dispela disisen long daunim ol mani kampani i laik yusim long ranim opresen bilong kampani long PNG.

NGE em i kampani bilong Australia tasol ol opresen bilong em i stap long oil na ges

eksplorasen long PNG.

Taim prais bilong oil i go daun, NGE i pasim opis bilong em long Pot Mosbi, Brisbane na Sydney. Em i opim nupela opis long liklik mani na daunim prais bilong rentim opis.

NGE i tok em i senisim konstitusen bilong kampani long salim sampela ol samting we i no save mekim mani na i wok long westim moa mani bilong kampani.

Em i katim daun sais bilong ol kontrak em i save

givim i go aut long sampela ol liklik kontrakta.

Wanpela bikpela samting NGE i bin mekim long daunim operesen kos em taim kampani i raus long Pot Mosbi Stok Eksens (POM-SoX) long mun Epril long dispela yia.

Long wankain taim NGE i wok long bihainim nupela kopret strateji long painim na glasim gut ol sans bilong mekim moa invesmen.

Long mun Mas kwata, mani balens bilong NGE i

sanap long K47.51 milien. Kampani i gat dispela mani long ranim ol operesen.

Long 15 Epril 2016, NGE i mekim \$3.55 milien (klostu long K10 milien) invesmen long Karoon Gas Australia Limited bilong Australia.

Karoon em wanpela oil na ges kampani bilong Australia na i stap long Australian Sekyuritis Eksens (ASX).

Dispela i mekim NGE i kamap 18 pesen seaholda bilong Karoon.



MANILA

K1,708*

< RETURN >

Call toll free 180 3444 for more information.

 **Air Niugini** 
www.airniugini.com.pg 

*Ex Port Moresby. Conditions Apply.

Wanang Konsevesen Eria kisim Ikweita prais



Roy Trivedy – UN/UNDP Residen Kodineta bilong PNG i holim Awod wanataim wanpela bikman bilong Wanang Konsevesen Eria.

WANANG Konsevesen Eria komyuniti memba i kisim Yunaitet Nesens Developmen Program Ikweita Prais awod i kam long UN Het opis long Papua Niugini olsem luksave bilong ol wok ol i mekim long en-vauiromen konsevesen, daunim poveti o tarangu pasinna klaimet senis.

Dispela selebresen i bin kamap long redi long Intenesenel De bilong Baiodaivesiti, we i save kamap long Me 22 olgeta yia na em i soim aut ol kain kain we bilong rausim poveti, bringi kaikai na wara na long kamapim gut laip bilong ol pipel.

Wanpela seremoni i bin kamap long Madang long Me 13, na narapela bikpela seremoni moa i kamap long Desemba 2015 long Paris long Yunaitet Nesenes Konprens bilong Klaimet Senis (COP21). Local seremoni we UNDP, i bin go pas long holim i bin gat ol lain bilong Provinsal Gavman, ol lain bilong Konsevesen Envauiromen Proteksen Atoriti, lokal komyuniti, Yunaitet Nesens na ol media.

Wanang Konsevesen Eria em i wanpela bilong ol 21 komyuniti inisetiv long wol we i bin kisim prais long yia 2015, na ol i bin makim ol namel long 1,461 nominesen i kam long 126 kantri.

Wanang Konsevesen Eria em i karamapim 10-pela as ples klen insait long wanpela hap graun na bus na olgeta i bung long banisim 10,000 hekta graun bus na diwai bilong baiodaivesiti risets, kabon storis na sastenebel laip.

Dispela ogenaisesen i bin kamap long banisim ples bilong ol long ol hevi i kam long ol loging kampani na tu long ol i no gat pablik sevis long hap bilong ol.

Dispela inisetiv i holim ol hap fores we projek i planti moa long 280,000 plent long wokim stadi long ol long painimaut

wanem kain we senis bilong klaimet i senisim laip bilong ol tu. Em i gat wanpela bikpela risets stesin tru long kantri we em i gat wanpela bilding hab, we ol ples lain bilong Wanang viles na ol sumatin i save kisim trening bilong lukautim ol en-vauiromen.

Dispela risets stesen i save mekim toktok namel long ol lokal populesen na risets saientis i kamap gut na em i kamapim we bilong kisim helpim long sindaun bilong ol pipel na tu long lainim we bilong lukatim en-vauiromen. Dispela inisetiv i kamap olsem wanpela piksa bilong ol komyuniti i go pas long lukautim ples na kamapim divelopmen long kantri. Em i wanpela strongpela piksa bilong wok patnasip namel long wanpela komyuniti we i sanap long strong bilong em yet, wantaim ol lokal NGO, gavman na risets institut.

“Mipela i amamas long selebretim dispela kain luksave. Em i soim olsem ol lokal komyuniti i gat save long go pas long lukautim na baisim baiodaivesiti, na long sapotim ikononik empawamen na laip. Yunaitet Nesens bai sanap redi long sapotim ol komyuniti long Papua Niugini husat i laik mekim gutpela samting long komyuniti bilong ol,” Roy Trivedi, Residen Kodineta bilong UN long kantri i tok.”

“Long makim maus bilong Wanang Komyuniti, mi laik tok bikpela tenkyu long UNDP long dispela luksave long konsevesen i kamap long komyuniti bilong mipela na i givim dispela Ikweita Prais long yia 2015.

“Bikpela tenkyu tu i go long Niugini Binatang Risets Senta long wok bung wantaim Wanang komyuniti na mekim dispela luksave bilong konsevesen i go long olgeta narapela kantri long wol,” Jonah Philip, maus meri bilong Wanang Konsevesen i tok.

Raunpela anian em i nupela kes krop bilong Gumine



Ol pipel i bung long Gumine distrik long harim toktok bilong Memba bilong Gumine na Minista bilong Edukesen, Nick Kuman.

RAUNPELA anian i save gro insait long Gumine, na em inap long winim kopi diwai olsem kes krop.

Ol pipel i rausim ol anian long graun na i pasim ol long ol mekpas na putim long ples klia long taim bilong lonsim K2.6 milien distrik ikononik bung we ol i bin holim long ples Boromi Inog Gumine distrik, Simbu Provins long las wik.

Memba bilong Gumine Nick Kuman i amamas na i tok distrik inap long kamapim ol raun anian na ol inap long wokim bikpela fam long bringim

saplay long olgeta hap bilong kantri.

“Mi laik lukim ol raun onion fam, we ol i rausim pinis na putim long yumi lukim. Ol dispela onion inap long gro insait long Gumine, Simbu na long ol narapela hap bilong kantri tu,” em i tokim ol moa long 2,000 pipel husat i bin kamap long dispela taim bilong lons.

Mista Kuman, husat i Minista bilong Edukesen, i kamapim dispela we bilong groim ikononik long kirapim ol liklik bisnis long distrik.

Em i tok ol kopi diwai we ol i bin

planim long distrik 30 o 40 yia i go pinis nau i wok long dai.

“Bai yumi tanim i go long wanem samting moa? Prais bilong kopi i no moa gutpela. Nau yumi ken go insait long nupela samting we i gat maket o ol lain i laikim long kantri.

“Dispela em i program bilong kamapim raunpela anian we mi laikim tanim wil bilong ikononik long wan wan wod insait long distrik. Emi wanpela salens long ol pipel bilong Gumine,” Mista Kuman i tok.

Translation jobs, Pidgin or Motu, Big or Small?

Call the experts to get all your translations done faster at an affordable price!

Call us now on Ph: (675) 325 2500 or email: editorial@wantokniuspepa.com and ask for the Advertising team for a quote.

Word Publishing Company

Publisher of

WANTOK



Tigers i daunim Knights, 20-12



Wests Tigers i amamas long Mitchell Moses i putim trai egensim ol Knights.

NEWCASTLE Knights i soim sampela gutpela sain egensim Wests Tigers long Campbelltown Stadium, tasol ol i lus, 20-12.

Namba wan taim bilong ol Knights long skoa pas long resis na stap pas long birua tim.

Ol Knights i stap pas, 12-10, taim Trent Hodgkinson i kisim tupela konvesen poin

long trai bilong Dane Gagai long 49 minit.

Tasol, Tigers i bekim trai bilong ol Knights we winga, Josh Addo Carr na Luke Brooks, i salim ol Knights i go daun gen wantaim tupela trai.

“Mipela i gat sampela eria we mipela bai kamap orait bikos mipela i mekim gut long dispela wik taim mipela i lukluk long resis bilong las

wik we Sharks i win, 62-0,” Gagai i tok.

Gagai i lukluk long harim nem bilong em bai kam aut long Tunde, taim ol i tok aut long Queensland Stet ov Orijin tim.

Bihain long Sarere, Canberra i go bek long top eit wantaim 38-12 taim ol i daunim ol Warriors long New Plymouth.

Tingting bilong Paulo i no stret

PROP bilong Parramatta Eels, Junior Paulo, i tokaut olsem aidia bilong em long namba tri gret ragbi yunion em i no stret.

Paulo i lain ap long Oately ragbi klap na bihain long wanpela de, em i pilai egensim ol Canterbury Bulldogs long NRL.

“Dispela em i wanpela samting mi bai no inap long mekim gen bikos em i no stretpela aidia. Mi no save olsem dispela bai mekim mi long painim hat taim,” Paulo i tok.

Kieran Foran i no bin stap wantaim ol Eels na ol i tok olsem ol i lusim poin mak long 12 resis. Na dispela i no amamasim kosa bilong ol, Brad Arthur.

“Noken givim planti hat taim long mi gen,” Arthur i tok.



Junior Paulo i ran i go insait long banis bilong ol Bulldogs.

Paulo i tok em i laki bikos ol i no givim penelti long em na nau em i go insait. “Nau mi go insait na mi bai no inap long mekim dispela kain samting gen,” Paulo i tok.

“Mi bin mekim na bikpela toktok i bin kamap

long midia, tasol mi no gat bel hevi long dispela. Wanem samting kamap em i kamap pinis.

“Nau mi bai lukluk long pilai gut long olgeta wik bilong Parramatta. i no bilong Oately, nogat.”

Weda i bagarapim ol resis long French Open



Ren i stopim pilai long Roland Garros.

Ol komenteta i mas kolim gut nem bilong ol Pasifik ragbi pilaia

NESENEL Ragbi Lig i laikim ol Spot komenteta long kolim nem bilong ol Pasifik ragbi pilaia gut long Pasifik Ragbi Lig Intanesenel.

NRL edukesen na welbing menesa, Nigel Vagana, i tokim Pasifik Beat bilong Redio Australia long skulim ol yet long brodkas gut.

“Long lukluk bilong NRL, mipela i gat inap save long tokim ol midia outlet long sampela liklik asua ol i mekim long ol wan wan lain o komyuniti taim ol i no kolim nem bilong ol gut,” Vagana i tok.

“Ol brodkasta i mas kisim nem bilong ol Polinesia na Melanesia komyuniti gut bikos taim ol i mekim asua, dispela i bagarapim tingting bilong ol.

“Ol i mas skulim ol yet long pronansim ol wod gut na sapos ol i no save, ol komenteta i mas kam lukim mi.



Nigel Vagana

“Long sampela yia i go pinis, sampela komenteta i hat long pronansim o kolim nem bilong sampela Polinesia pilaia na ol i kolim mi. Mipela i toktok gut long dispela na bihain ol i kolim gut.”

Fox Spot komenteta i kolim nem bilong ol pilaia gut

long Pasifik Ragbi Lig Intanesenel na em i winim prais.

“Mipela i laikim ol Fox Spot brodkasta long kam na skulim ol mangi long kolim nem gut, bikos dispela em i wanpela samting i no bin kamap bipo,” Vagana i tokim Pasifik Beat.

Sevilla i daunim Liverpool, 3-1

SEVILLA i daunim Liverpool, 3-1, long Europa Lig fainel long na winim tropi long namba tri taim.

Liverpool i stap pas taim ol i statim resis we Straika bilong ol Ingran, Daniel Sturridge, i stap longwe na i putim wanpela gol.

Sevilla i no bin kisim wanpela poin inap long namba tu hap bilong resis. Bihain long malolo, pilaia bilong Sevilla, Kevin Gameiro, i salim bal i go long kepten Coke na em i skrim namba tri gol, tasol lainsman i salim plak bilong em i go antap na em i tok opsait. Bihain, lainsman na referi i toktok na referi i awodim trai.

Liverpool i traime hat long kisim sampela gol tasol, banis bilong ol Sevilla i strong tumas bihain long namba tri gol bilong ol.

Vitolo i putim namba tu



Coke i amamas long gol egensim Liverpool long Europa Lig fainel.

gol bilong Sevilla long 64 minit taim em i salim bal i go long tupela pilaia bipo long Coke i ran i kam.

Bihain long 6-pela minit, Ever Banega, i salim bal i go long Coke na em i putim gol gen. Ol Liverpool i no amamas na kosa bilong ol, Juergen Klopp, i ran i gol long ol opsai bilong resis na em i komplein.

“Mipela i soim kala bilong

mipela gut long olgeta resis olsem mipela i pilai orait-long winim Europa Lig, tasol mipela i no pasim tok gut long nait na planti asua i kamap,” Kepten bilong Liverpool, James Milner, i tok.

Nau, Liverpool bai no inap long resis long Europa Lig long sisen i kam, bikos ol i go long tupela fainel, tasol ol i no win.

Ol stori na poto i kam long ABC

BIKPELA ren i pundaun long namba wan de bilong French Open na bagarapim ol resis long Sande bihain long ol i statim namba sisen resis bilong dispela yia.

Ol i pinisim 10-pela resis bilong ol 32 resis we ol i redi long pilai long 8-pela kot o hap bilong pilai.

Pilai i stat bihain long ol

liklik ren i pundaun long bikomoning i stop. Sampela ol pilaia husat i resis olsem Nick Kyrgios bilong Australia na Petra Kvitova bilong Czech Ripablik bai go insait long namba tu raun bilong resis bikos ol i pilai taim ren i stop likli.

Kyrgios i daunim Marco Cecchinato bilong Italy, 7-6 (8/6), 7-6 (8/6), 6-4 long

Men's 17, na Kvitova i daunim Danka Kovinic bilong-Montenegro, 6-2, 4-6, 7-5.

Resis i go het long bikpela ren bipo long ol i salim ol pilaia i go aut long avinun.

Rain i stop liklik na ol i statim resis gen tasol bikpela ren i pundaun i kam olsem long Westen Paris.

Dispela i bagarapim resis na ol i stopim.



Gavman i wari taim Ramu NiCo stopim wok i stap



Minista Duban i bungim ol Ramu NiCo menesmen tim long Basamuk bris.



Mista Duban i harim Ramu NiCo siaman Mista Zhong i toktok.



Minista Duban i paitim toktok wantaim Siaman bilong Ramu NiCo (MCC), Mista Zhong.

NESENEL Gavman nau yet i gat wari olsem Ramu NiCo Projek i pasim wok na stap sampela taim nau na wok operesen i no kirap yet.

Minista bilong Transpot na Infrastraksa na Memba bilong Madang, Nixon Duban i tokaut long dispela las wiken taim em i mekim lukluk raun bilong em i go long Basamuk Rifaineri bilong Ramu NiCo Projek.

Minista Duban i bin go wantaim Siaman bilong Ramu NiCo Menesmen (MCC) Limited, Zong Shaoxing na Vais Presiden bilong Ramu NiCo, Wang Baowen.

“Long makim maus bilong Nesenel Gavman, mi ken tok olsem dispela projek em bikpela projek na nau olsem em i pas i stap na no gat wok kamap i givim wari long gavman,” Mista Duban i tok.

“Mipela save olsem yupela gat ol save long wok na kamapim dispela projek, tasol mipela sori tru long lukim stop wok oda. Sait long toktok bilong en-vairomen, kos bilong pro-

daksen na mani yupela lusim na no wokim long dispela taim em bikpela wari Gavman i gat nau,” Mista Duban i tok.

Minista Duban tok Gavman yet i bringim ol ovasis investmen lain i kam long kantri na laik lukim olsem ol mas bihainim olgeta sefti lo bilong kantri. Olsem na wanem samting Mineral Risoses Atoriti i wokim long givim stop wok oda em long sait long sefti na dispela em wok bilong ol.

“Mi wanpela strongpela bilipman long sait long invesmen. Invesmen i save kamapim nupela wok na bringim mani na arapela ol helpim i go long ol pipel, olsem na mipela mas luk-save long wanem samting mipela i investim insait long kantri,” Mista Duban i tok.

“Mi bai toktok wantaim Praim Minista na hariapim dispela wok painimaut na putim kamap ripot hariap,” Mista Duban i tok.

“Mi ken tokim yupela ol lain long MCC olsem mipela bai givim helpim na tok save long yupela olsem projek bai stat wok gen klostu taim,” Mista Duban i tok.

Siaman bilong Ramu NiCo, Mista Zhong i tok tenkyu long raun bilong Mista Duban i go long Basamuk long lukim ol projek wok na em i tok olsem Kampani i wari tru olsem dispela stop wok na nau yet i wok klostu wantaim MRA na independen wok painimaut tim long kamapim ripot hariap na wok i ken kirap gen.

“Mipela i kamap pinis long


100 pesen mak bilong prodaksen na disain wok long 2015 bihain long komising wok i stat, tasol dispela birua na dai i we i kamap long Epril 12 long Basamuk tasol i stopim wok operesen bilong mipela,” Mista Zhong i tok.

Em i tok dispela stop wok oda i givim bikpela hevi tru long ol masin long prodaksin sistem, na givim fainensol hevi long sait long salim prodak na baim ol saplai bilong wok i givim bikpela hevi tru long Kampani. Kampani slo daun long givim helpim i go long ol lokal pipel na tu em i rausim sampela ol wokman na moa long en tu em i givim kain kain tingting long ol bikpela investa bilong Saina long wokim bisnis hialong PNG.

Minista Duban i tokim Kampani menesmen olsem em bai karim dispela bikpela ol toktok i go long Praim Minista na lukim olsem dispela Projek i ken statim wok klostu taim.

“Mi bai toktok wantaim Praim Minista na Minista bilong Maining na Gavman long givim sapot i go long MRA long hariap long givim ripot bilong wok painimaut na wok i ken kirap gen,” Minista Duban i tok.

“Mi laik tok stret long Menesmen bilong Ramu NiCo olsem mipela laik lukim dispela maining Projek i go het long wok bilong en na mipela bai givim sapot long Kampani olsem wanem ripot bilong wok painimaut i mas kamap hariap na wok i ken stat,” Mista Duban i tok.



Hunters i no strong insait long las 10 minit

PAPUA Niugini SP Hunters i bin putim presa long ol Central Queensland Capras long namba tu hap bilong raun namba 11 resis long Brown Park, Australia, tasol ol Hunters i no strongim banis bilong ol gut long las 10 minit i stap yet long bungim ful taim na Capras i daunim ol, 27-20.

Ol Hunters i stap bihain, 20-4, egensim ol Capras long namba wan hap bilong resis we ol Capras i bin putim 4-pela trai na Hunters i putim wanpela trai.

Hunters i strongim ol yet gen long namba tu hap bilong pilai taim Noel Zeming i putim wanpela trai long namba tu minit bilong resis. Zeming i kikim konvesen i go insait long trai na i bringim

skoa i kam antap long 20-10.

Hunters i go het long putim presa long banis bilong ol Capras na long namba 61 minit bilong pilai, winga, Adex Wera, i putim wanpela moa trai na Zeming i kisim tupela poin long konvesen.

Bihain long 4-pela minit long trai bilong Wera, Hunters i kisim moa strong na fulbek, Stargoth Amean, i skruim skoa wantaim wanpela trai long wing na Zeming i kisim hat taim long kisim tupela poin. Dispela i bungim skoa bilong ol Capras, 20-20.

Tasol, long namba 77 minit, ol Capras i putim wanpela trai wantaim fil gol na bringim skoa bilong ol i go antap long 27-20.

Capras i lusim namba 7



ples long lata na nau ol i stap long namba tri ples long lata bilong Intras Supa Kap resis.

Ol Hunters pilaia i bung long wanpela hap insait long pilai graun long namba wan hap bilong raun namba 11 Intras Supa Kap resis.

Vipers daunim Lions

Philemon Tame i raitim

OL SNS Pot Mosbi Vipers i daunim TNA Simbu Lions long namba wan gem bilong Digicel Kap dabol heda resis long Sir Hubert Murray Stediam, Pot Mosbi, long las wik Sande.

Vipers i stap pas long namba wan hap bilong resis wantaim 10-6.

Long namba tu hap, Vipers i skruim tupela poin long skoa bot long wanpela penelti kik we skoa i sanap olsem 12-6.

Lok bilong ol Vipers, Patrick Morea, i bin mekim wanpela strongpela leit takol long

wanpela pilaia bilong ol Lions na ol i bin rausim em long pilaia graun. Bihain long dispela, ol Lions i bungim ol yet gut tru na putim wanpela trai i bungim skoa bilong ol Vipers, 12-12.

Bihain long dispela, 10 minit tasol i stap yet na tupela tim i pait hat tru long skruim skoa bilong tupela.

Pilaia bilong Vipers, Michael Yanis, i ran strong i go insait long banis bilong ol Lions na i putim trai long sait lain i bringim skoa i go antap long 16-12.

Konvesen kik i no bin go insait na long wankain taim, belo bilong ful taim i kra.

PNGNRL i rausim tripela Wigmen pilaia

PAPUA Niugini Nesenel Ragbi Lig (PNGNRL) i strongim olsem em i rausim tripela pilaia bilong Hela Wigmen.

Edministreta bilong PNGNRL, Stanley Hondina, i tok, Dickson Paul, Maxie Kapia na David Lapua, bai no inap pilai insait long taim ol i makim na givim ol long stap aut long Digicel Kap resis.

Ol i rausim ol bikos, ol i no bihainim lo bilong ragbi long raun namba 4 resis i kamap namel long Agmark Rabaul Gurias na Hela Wigmen long Mendi.

Dickson Paul bai stap aut mak long 136 wik bikos long dropim skru bilong em, kiking, straiking, rong takol, kontreri kondak na detrimental kondak.

Maxie Kapia bai no inap pilaia long 95 resis bikos long straiking, rong takol, kontreri kontek na detrimental kondak.

Na, David Lapua bai no inap pilai long tupela resis bikos long kontreri kondak.

Hondina i tok olsem ol sas na penelti i strong bihain long pinis bilong raun namba 4 resis bilong Digicel Kap.

PNG anda-20 meri i redi long bikpela resis

HET kosa bilong ol Anda-20 meri bilong Papua Niugini, Lisa Cole, i amamas long tokaut long ol namba wan samting long soka resis bilong ol meri bai kamap long PNG.

Ol meri PNG i redi long bungim ol birua bilong ol longSiapan na Yunaitet Stet.

Kosa bilong ol anda-20 meri PNG i kam long Pot Mosbi pas long TimSiapan na Yunaitet Stet.

Tim PNG i trening long Nesenel Spot Institut long Goroka, Isten Hailans Provins.

Pot Mosbi i go pas long soka resis i kamap namel long tripela kantri na pilai i stat long Me 24 na bai pinis long 30. Dispela resis em i bilong mekim wok redi long FIFA Anda-20 Wol Kap resis bilong ol meri bai kamap long dispela yia long kapital bilong PNG.

Resis i kamap long Sir John Guise Stediam we PNG i pilai egensim olSiapan long Tunde, Me 24 naSiapan bai pilaia egensim ol Yunaitet Stet long Me 27. Long Me 30, PNG bai pilai egensim Yunaitet Stet.

Cole i tok, tupela tim i

kam long PNG na soim level bilong ol pilaia bilong em long winim sapos ol i laik resis long wol stej.

"Sapan na Yunaitet Stet em tupela namba wan kantri long wol long ol soka resis.

"Sampela kain stail na kwaliti bilongSiapan na tim olsem Yunaitet Stet em i wanpela hap we PNG i no bin pilai egensim ol yet," Cole i tok.

Cole i laikim dispela resis em i bikpela hap bilong lainim na kamap eksperiens na em i bilip olsem Tim PNG i mas kamap long dispela mak.

"Mipela i gat sampela pilaia husat i pilai long OFC iven na ol narapela i no save pilai yet long ol resis long narapela kantri," Cole i tok.

"Mi amamas long ol pilaia i mekim gut long ol sampela mun i go.

"Ol i mekim orait long ol planti eria, tasol ol i mas skruim gem bilong ol i go antap long narapela level, sapos ol i laik resis long Wol Kap.

"Dispela gem bai givim mipela gutpela rot long

lukim wanem mak mipela i winim pinis na ol wanem moa mak mipela i no winim yet na mipela bai winim."

Cole i tok, tonamen em i namba wan rot bilong painimaut ol pilaia bilong em long ol bai resis gut long Wol Kap o nogat.

"Mi bai lukim husat bai kontrolim presa long taim bilong resis na yusim ol aidia mipela i bin wokaut long taim bilong trening."

Em i tok moa olsem Futbol em i namba tu spot long PNG na em i top spot bilong ol meri.

Cole i bilip olsem PNG i go pas long OFC Nesens Kap na FIFA Anda-20 Wol Kap bilong ol Meri bai givim bikpela sans long PNG long groim gem.

"PNG em i yangpela kantri na ol sapota na pablik i gat bikpela san long lukim ol pilaia i pilai long bikpela resis," Cole i tok.

"Mi lukim olsem Anda-20 Wol Kap resis bilong ol meri em i stat bilong ol bikpela samting bai kam bihain long ol pilaia bilong nesenel program bilong PNG meri."



Ol pilaia bilong Tim PNG anda-20 meri i kam long Pot Mosbi pas long tupela tim, Siapan na Yunaitet Stet.



Ol Anda-20 pilaia bilong Tim PNG i trening strong long pait long bikpela resis.

Hunters i stap yet long namba 3 ples

PAPUA Niugini SP Hunters i lus long raun namba 11, tasol ol i stap yet long namba 3 ples long lata bilong 2016 Intras Supa Kap resis.

Bihain long raun namba 11 na long 10-pela gem, Hunters i kisim 16 poin long 7-pela win, 3-pela lus na tupela poin long em i bin stap sambai long wanpela raun.

Ol Hunters i stap long Australia na kam bek long PNG long Mande na ol bung gen na redi long ol bai resis egensim tim i stap namba 13 ples long lata, Ipswich Jets, long North Ipswich Reserve, Australia.

Ol top 6 tim long 2016 Intras Supa Kap resis em:

- 1 **Townsville Blackhawks wantaim 19 poin,**
- 2 **Burleigh Bears wantaim 17 poin,**
- 3 **SP Hunters wantaim 16 poin,**
- 4 **East Tigers wantaim 15 poin,**
- 5 **Redcliffe Dolphins wantaim 14 poin na**
- 6 **Northern Pride wantaim 12 poin.**

Tigers i stap pas long Digicel Kap lata

SNAX Lae Tigers em ol nupela klap we i stap pas long lata bilong 2016 Digicel Kap resis bihain long namba 6 raun.

Tigers i go antap long namba wan ples bihain long ol Gurias i kirap nogut tru taim ol Waghi Tumbe i daunim ol long las wiken.

Nau, Tigers wanpela em ol i no daunim em long resis we em i stap namba wan wantaim 11 poin i kam long 4-pela win, wanpela dro na tupela poin i kam long ol i bin stap sambai long wanpela gem.

Lada bilong 2016 Digicel Kap i sanap olsem

- 1 **Snax Lae Tigers wantaim 11 poin,**
- 2 **Agmark Rabaul Gurias wantaim 10 poin,**
- 3 **Nga Maunt Hagen Eagles wantaim 9 poin,**
- 4 **Kemele Hela Wigmen wantaim 7 poin,**
- 5 **PRK Galp Isapea wantaim 7 poin,**
- 6 **Waghi Tumbe wantaim 7 poin,**
- 7 **EPH Enga Mioks wantaim 7 poin,**
- 8 **PRK Mendi Muruks wantaim 5 poin,**
- 9 **SNS Pot Mosbi Vipers wantaim 4 poin,**
- 10 **Bintangor Goroka Lahanis wantaim 4 poin na**
- 11 **TNA Simbu Lions wantaim 1 poin.**



Pilaia bilong Snax Lae Tigers i ran egensim ol SNS Pot Mosbi Vipers na ol pilaia bilong Vipers i redi long takolim em long raun namba 2 resis bilong 2016 Digicel Kap i kamap long Nesanel Futbal Stediam.

Tim long Kenya bai kam long kantri tumora

KRIKET tim long Kenya bai kam long kantri long tude long pilai egensim ol Hebou PNG Barramundis long dispela wiken aninit long Intanesenel Kriket Kaunsil Wol Kriket Lig Sempionsip.

Ol kriket pilaia long Kenya bai kam kamap long Jackson's Intanesenel ples balus long 8 klok moning.

Long wankain taim long apinun, wanpela bung bai kamap namel long ol nius lain na ol kosa na kepten bilong tupela tim.

Dispela em i namba wan taim we ICC sempionsip resis bai kamap long PNG.

Resis bai kamap long Amini Park, Pot Mosbi na em bai stat long 9 klok moning long dispela wik Sarere.



Ol PNG i amamas taim ol i winim ol Kenya long Kriket resis.

ITI givim K30,000 long Pot Mosbi Kriket Asosiesen

Frieda Sila Kana i raitim

INTENESENEL Trening Institut long Pot Mosbi i helpim gen Pot Mosbi Kriket Asosiesen long namba 6 taim nau wantaim sek mani inap long long K30,000 long Tunde dispela wik.

Presiden bilong Pot Mosbi Kriket Asosiesen, Dean Ani wantaim Deputi Presiden, Charles Amini na Seketeri Konio Elly i bin stap long ITI bod rum long kisim dispela sek we Menesing Dairekta bilong ITI, Senthil Kumaran Senthayval i bin givim ol.

ITI Maketing Menesa Semi Rose i bin go pas long redim wanpela pres konpres we olgeta midia i bin kamap long witnesim dispela K30,000 sek mani i go long POMCA.

Menesing Dairekta bilong ITI, Senthil Kumaran Senthayval i tok, dispela em i namba 6 taim ITI i givim mani i go long POMCA. Dispela yia ol i givim K30,000 pinis long dispela wik tasol K10,000 moa bai ol i givim liklik taim bihain long helpim ol long

holim bikpela tonamen ol i kolim long 'big bash'.

Olgeta yia ITI i save givim helpim long POMCA long mani mak bilong K30,000 o K40,000. Na dispela pasin i bin stat wantaim pastaim presiden bilong POMCA, leit John Vada husat i bin wanpela wokman bilong ITI bipo.

Menesing Dairekta bilong ITI, i tok bihain long 6-pela yia, ITI i givim moa long K200,000 pinis long POMCA. Na tu long yia i go pinis, ol i bin givim K5,000 i go long Lae Kriket Asosiesen.

Mista Senthayval i tok ITI i amamas long patna wantaim POMCA long kamapim moa ol kriket pilaia long kantri bikos em i bilip olsem spot em i wanpela samting we i save givim hop long planti yangpela husat i no gat wok.

Presiden bilong POMCA, Dean Ani i tok ITI i mekim bikpela samting long helpim POMCA long sponsasip bilong en, bilong wanem em i save helpim ol long kirapim ol enuel tonamen bilong ol.

"Ol dispela mani bai helpim

mipela long kamapim gut moa oval bilong pilai bikos nau mipela i gat olsem 800 o moa memba i pilai kriket insait long NCD na Sentral Provins. Nau yet mipela wok long yusim pilai graun bilong tripela kriket klap olsem Tubuseria, Vabukori na Parina tu long kilakila.

"Olgeta pilaia bilong Barramundi na PNG Lewas em tupela nesanel kriket tim bilong kantri i kam long Pot Mosbi Kriket Asosiesen, olsem na helpim bilong ITI em i no lus nating," Mista Ani i tok.

Long wankain taim Namba tu siaman bilong Kriket Asosiesen, Charles Amini i tok PNG Barramundi bai pilai wantaim Kenya Kriket tim long Mande long namba wan taim. Olgeta memba bilong Barramundi i bilong POMCA.

"Tingting bilong POMCA em i long pulim ol yangpela mangi na meri husat i lusim gret 10 na i stap nating, long kam insait na pilai na wokim stadi bilong ol long ITI wantaim," Mista Amini i tok.

LinkPNG

Call now for great value one way fares

Call toll free on 180 5465 visit www.airniugini.com.pg or email sales.linkpng@airniugini.com.pg for further information.



LinkPNG

A Subsidiary of Air Niugini



Raun namba 4 piksa bilong Pot Mosbi Sabeben Ragbi Lig resis i kamap long Kone Tigers pilai graun long las wik Sande.



No gat spes; stap long baksait. Pilaia bilong Japan i givim baksait long pilaia bilong PNG long kisim bal. Anda-20 soka resis bilong ol meri i kamap namel long Japan na PNG. Japan i stap pas long namba wan hap bilong resis, 6-0, na i no givim wampela sans long PNG long namba tu hap na i skruim skoa wantaim 4-pela poin. Japan i win, 10-0.



Sapotim em: Dispela resis i kamap namel long SNS Pot Mosbi Vipers na TNA Simbu Lions. Vipers daunim Lions, 16-12.



DIANA
Tuna

Niupela Swit Teist
Nau Igat Moa Oil!

PNG's ORIGINAL TUNA

Manufactured by:
RD TUNA CANNERS LTD.

Kosa Marum tokaut long skwat bilong Hunters

...Japan i daunim
PNG long soka
resis bilong ol meri

KOSA bilong SP PNG Hunters, Michael Marum, i traim kolim nem bilong 20-man SP Hunters skwat bai resis long raun namba 12 bilong Intras Supa Kap egen-sim ol Ipswich Jets long Brisbane, Australia, long Sande.

Justin Olam i no bin pilai long las wik resis we Hunters i bin lus egen-sim ol Central Queensland Capras bikos em i bin sik. Pilaia bilong Ragbi 7s, Butler Morris, i bin kisim ples bilong Olam long raun namba 11 bai malolo long raun 12 taim Enock Maki i kisim ples na Ismael Balkawa i kisim ples long baksait ro.

Tupela nupela man we Kosa Marum i nemim tu em Philemon Kimisive na Tuvu Lapan. Fainel tim em ol bai tokaut long tude apinun.

Hunters bai lusim kantri long Sarere bilong gem bai stat long 1.40 apinun long Sande long North Ipswich Reserve.

Ol 20-man skwat long namba 1 inap 20 em Stargoth AMEAN,

Justin Olam, Noel ZEMING, Thompson TETE, Adex WERA, Ase BOAS, Atte Bine WABO, Henry WAN, Wartovo PUARA Jnr, Timothy LOMAI, Ismael BALKAWA, Adam KORAVE, Brandy PETER, Warren GLARE, Tuvu LEPAN, Bland ABAVU, Edward GOMA, Benjamin HETRA, Philemon KIMISIVE na Enoch MAKI.

Long wankain taim, i gat wanela soka resis bilong ol meri anda-20 i kamap namel long PNG, Japan na Yunaitet Stet.

Resis i kamap long Sir John Guise Stediam we PNG i bin pilai egen-sim ol Japan long Tunde, Me 24 na Japan bai pilaia egen-sim ol Yunaitet Stet long Me 27. Long Me 30, PNG bai pilai egen-sim Yunaitet Stet.

Resis namel long Japan na PNG i bin kamap long Tunde nait em ol Japan i bin daunim ol meri PNG, 10-0. Ol meri PNG bai pilai wantaim ol Yunaitet Stet long neks wik Mande.



Pilaia bilong Japan i trikim ol meri PNG long anda-20 soka resis bilong ol meri i bin kamap long Sir John Guise Stediam long Tunde nait. Japan i daunim PNG, 10-0.



Taim yu senisim nepi bilong bebi bilong yu

Senisim long Sensi

Good Products, Better Prices, ikam long

Johnstons Pharmacies Ltd

P.O.Box 1066, Boroko, Papua New Guinea.
Tel +675 325 3185 Fax +675 325 0190 Email sales@johnstons.com.pg